

# I CINAMATIZYO CATATU



Kwasiya kabotu, beenzuma. Atwi imikile lino aniini ku mupailo. Twa kotamika mitwe yesu.

<sup>2</sup> Taata wesu Wakujulu, mbuli mbo tumvwa eco—eco ciimbo cibotu, tula—tula yeeya, Mwami, zya . . .kuti Uli muni. Elyo twa lombwa kuti Utu tambule sunumasiku, Mwami, mbuli bana Bako, kotu lekelela zibi a nsotoko zyesu zyoonse, a ku tupa zilongezyo Zyako, mbuli mbo tuli bantu babulide.

<sup>3</sup> Elyo mu oora eli pati ndyo tupona lino, nkabela tula bona, amwaka, lilaindila kusiya a kusiya, ku inyika. Elyo Kuboola kwa Mwami kuya bumwekesya a kumwekesya, mbuli Mbwa liyubununa Mwini mu i . . . mu Ijwi Lyakwe a mu kuli tondezya Kwakwe. Twa boola alubo, sunumasiku, Mwami, ku kusoleka, oyu muswaangano, a kukulomba Nduwe kutu julila, Mwami, eci Cinamatizyo Catatu ica Bbuku eli, kutegwa cizibwe kuli ndiswe, kuti inga twa ziba cakucita a nzila ya kupona, a nzila yakuba Banakristo bali kabotu.

<sup>4</sup> Nda komba, Leza, kuti Uyo bamba oonse uutali Munakristo omuno, sunumasiku, kuziba kubula kwabo kwa Nduwe. Ko cipa. Elyo Nda—Nda komba, Taata Wakujulu, kuti oonse Munakristo wakazyalululwa uyo mvwisya kuti weelede kupona muni kwiinda mbwa kabede kaindi, kutegwa inga toonse twaba mu lukamantano olo lwa luyandisyo a lusyomo lwa Bunakristo.

<sup>5</sup> Kopa kuti oonse mulwazi aakati kesu aponesegwa sunumasiku, Mwami. Bala mvwisya kubula kwabo kuli Nduwe. Elyo Nda komba, Taata, kuti Uyo leleka zintuzyoonse ezyo zicitwa na kwaambwa, ku lulemeko a bulemu Bwako, mu Zina Iya Jesu twa cilomba. Amen.

<sup>6</sup> Ee, alubo, sunumasiku, twa bungana antoomwe alubo nkambo ka ceeci, i—i masiku aa Bwatatu bwa mvwiki. Alimwi tu syoma Mwami, sunumasiku, ku ii—ii kutila kupati kwa zilongezyo Zyakwe aa Ijwi Lyakwe. Alimwi sunu Ndali kubala, mbuli lyoonse, a kusoleka kuyeeya zintu zinga zyelelela kapati kwaamba, a zintu, nzila ya kucaamba, alimwi mpawo kuyaamina aa Mwami kundipa bupanduluzi a busanduluzi bwa—bwa eli Ijwi lilembedwe. Elyo Ndili lumbide kuli Nguwe nkambo ka Nzya katu citila kwiinda mu mvwiki, kuti tu . . . zya kujula kwa Zinamatizyo ezi.

<sup>7</sup> Elyo, Mebo, antela ciyooba cintu cibotu ikuti na Munsondo cifumo, aa . . .Nywebo mulizi, ziindi zinji . . .Ta tukanzili ku tamvugwa pe, pele, nywebo mulizi, nywebo . . .Ciba mu nzila eyo. Elyo aboobo, ndiza, Musondo cifumo, ikuti na boonse bajisi mibuzyo mu mizeezo yabo kujatikizya ncico, inga ba cilemba a kucibikka aa desiki awa, Mujibelo masiku, alimwi kutegwa

Nda konzya kubona mbo cibede. Elyo mpawo Ndi sola ku wiingula kuli ndinywe, Munsondo kuseeni, Mwami nawayanda. Ndi yeeya kuti eco inga cabota kwiinda mbo twali kukanza, nkaambo ziindizimwi ta cimvugwi, nywebo mulizi. Elyo aboobo nzila eyo Njo jana. . . Ci yooba kabotu kuti Ndi yo—Ndi yo cilulamika, nywebo mulizi. Inga ciyooba obo buyo mbo ceelede kuba. Nkaambo, ciindicimwi, lino. . .

<sup>8</sup> Umwi waka tumina jilo a kwaamba, kuti—kuti, waka tuma a kuyanda kuziba ikuti na cakali ca bwini, kuti, “Cindi i—i Kukwempwa kwaakucitika, inga kuyooaba biyo omwe mu Jeffersonville a omwe mu New York, nkabela bamwi bambi kumasi akumbi.” Aboobo, mwabona, tee cakamvugwa kabotu. Mpawo umwi wa kaamba, kuti, “Mujibelo masiku, ikuti na Mwami aka tupe Cinamatizyo camamanino, mpawo Jesu unooli okuno Munsondo cifumo.” Mwabona? Aboobo cili ii—cili ii. . . Nywebo mwabona, nywebo—nywebo tamu. . . Eco, eco tacili boobo. Elyo nywebo tamu. . . Ta cili boobo.

<sup>9</sup> Ta tuzi. Ikuti na muntu umwi wa mwaambila kuti ulizi cindi Na boola, nywebo mulizi kuti bali lubide, ku kutalika, nkaambo taakwe uzi obo. Pele tu yanda kupona, sunu, mbuli kuti lyakali ndyoonya lino.

<sup>10</sup> Ndiyo baanga ndamu nyona aniini, aboobo amu libambile. Nda—Nda syoma kuti Jesu uyo boola moonya, kutaindilizya, maminiti otatwe kuzwa ndyoonya lino, aa ciindi Cakwe. Nywebo mulizi na ciindi mbo ciinooli cilamfu? Kutandila myaka ili makumi otatwe ayosanwe. Mwabona, myaka ili cuulu mbuzuba bomwe biyo, kuli Nguwe, nywebo mwabona.

<sup>11</sup> Aboobo, cindi mwamvwa muapostolo kaindi awa kati, “I ciindi cila fwaafwi,” ambele awa, “ciindi cila fwaafwi.” I muapostolo wakaamba mu Ciyubunuzyo. Nywebo mulizi na obo ciindi mbo cili cilamfu? Eco tacina. . . Elyo lyakali jilo buyo, kuli Leza, akutanaba mazuba obilo akwalo.

<sup>12</sup> Elyo, mwabona, ikuti na maminiti otatwe, atasiki ku maminiti otatwe aa Kuboola Kwakwe, mwabona, eyo inga yaba myaka iili makumi otatwe, kutandila, kuli ndiswe, na cintucimwi mu bweende obo. Elyo amulange nzila, obo maminiti otatwe mbwanga aba kuli Nguwe: Wa buka kale, ku boola. Aboobo swebo, nywebo. . . ziindizimwi cindi mwabala awa, Walo ukanana mu bwaambe bwa Ijwi, mwabona, kutali mu bwaambe bwesu.

<sup>13</sup> Elyo mpawo ikuti na Nda kalizi kuti Wa kali kuno boola juunza masiku, juunza masiku, juunza inga Nkeno bala a ku Mu lombakundi Mulumbe wa Cinamatizyo Cane. Elyo inga Nda boola kuselelo okuno aku Zou kambauka, mbubonya buyo. Mwabona? Ndi—Ndi yanda kuno cita buzuba abumwi eco Nceno cita ikuti na Wa sika. Elyo Nse zyi busena bumbi bubotu kunze

lya kujatilwa nkoonya ku bulizi bwa ncito, mwabona, nkoonya ku bulizi bwa ncito. Aboobo tu zumanana buyo mane Aka boole.

14 Ziindizimwi cindi twa bala buyo, alimwi, lino, amu cenjele kapati. Elyo cindi mwabala, amu jane mateepu, amwa swiilile kabotu loko. Nkaambo, muyo cijana aa teepu, nkaambo bakali kwaalizya alimwi, nkabela ali kabotu antangalala ncobeni. Aboobo, muyo cimvwisya kabotu awo.

15 Lino, nyoonse mu luyandisyo a Kristo, Nda syoma, sunumasiku, alimwi nyoonse ku Mu yanda.

16 Nda mwaambila cintu, ziindizimwi, cintu cinyonganya bantu, kuti umwi waka njila nkabela ta kamvwisya cibeela citaanzi ca kuswaaangana, nywebo mwabona. Mpawo bala njila a kumvwa kuti utondeka kusule, kuuma kusule, cintucimwi, alimwi mpawo ba bweza ceeco, eco ca kaambwa, nkabela tiiba kamvwisya cibeela citaanzi. Mpawo cila nyonganya coonse kuli mbabo, nywebo mwabona, mpawo. Elyo taba yeeyi kuti cintucimwi ca kaambwa bwaandeene, pele Ta—pele Ta cili ncico.

17 Aboobo ikuti na ujisi mubuzyo oyo ngo tamvwisyi, koulemba buyo aa kabeele ka kapepa. Kou bikka mukati, kufumbwa ciindi akati ka lino a mu Mujibelo masiku. Elyo Njo soleka, Munsondo masiku, ku. . . Ikuti na kula nyonganya aniini, yebo wati, “Ee, Nda libuzya ncobeni *eci* nco caamba awa. Nse ka cimvwisya.” Nywebo mulizi Nce pandulula. Mpawo Njo soleka kuvuwa kuli nduwe, Munsondo masiku, Mwami nawayanda.

18 Lino, sunumasiku tula bala kuzwa kuli eli Ijwi lyakale alubo, mu cipati 6. Alimwi sunumasiku tu talikila a Cinamatizyo Catatu. Alimwi ako nkampango ka 5, kampango ka 5 a 6.

19 Elyo juunza masiku tuyo jala basikutanta bone; mbizi iituba, a mbizi iisubila, mbizi iisiya, a mbizi iisiyasiya.

20 Elyo Ndi yanda kwaamba ceeci. Kuteeti, ciindi acimwi, akwalo kusikila cifumo cino, kutandila. . . Oh, Nda fuma maningi, fuma maningi a kuunka ku mupailo zintu kazitana kopa, a kuzumanana buyo kupaila mu buzuba boonse. Pele cifumo cino, kufuma, Muuya Uusalala wasika awo Mpe bedede. Elyo cantangalala mbuli cintu cili coonse, Nda—Nda bona eci Cinamatizyo cimbi kaci juka lino, mbubonya buyo. Lino—lino—lino, Ula ndivuwa, Ndi lizi. Elyo Ndili lumbide loko.

21 Lino, mula yeeya buyo kuti kuli cintucimwi cicitika. Cakuti, Ndi—Ndi syoma kuti mula cijata, mwabona, kuli. . . kuti kuli cintucimwi cicitika. Ndi yanda kusoleka buyo mbungano eyi ciindi cimwi, a kubona ikuti na ncobeni bala konzya kujata cintucimwi kacitana citika ncobeni. Lino amuyeeye, amuyeeye eco Nce ka mwaambila. Elyo, lino, Mwami atu gwasye.

22 Lino mu kampango ka 5.

*Elyo cindi na kajula cinamatizyo catatu, Nda kamvwa munyama watatu kati, Boola. . . bona. Elyo Nda*

*kalanga, a kubona mbizi iisiya; alimwi oyo waka tantide ali njiyo waka jisi zyelekelo zyobilo mu janza lyakwe.*

*Elyo Nda kamvwa jwi akati ka banyama kabati, Ii kweeleka kwa whiiti ndi sheleni, alimwi kweeleka kotatwe kwa bbaale ndi kkobili; pele bona kuti uta nyonganyi mafuta . . . waini.*

<sup>23</sup> Lino atu tondezeye ntalisyo ya ceeci asyoonto buyo, elyo aa Zinamatizyo nzo twa kainda. Nkaambo, mbuli buyo mu makkalo aa mbungano, baa, tu soleka kupa ntalisyo, ku baanga nku cinjizyanya, kusikila mwa konzya . . . Eyo nje nzila makkalo aa mbungano mbwabede ncobeni mu Lugwalo, bomwe kunjilana a bumwi bumbi, mbuli boobo buyo. Mbuli kutanta manela, a kutanta matantilo, mubwini; umwi kaselemuka ali limwi, a kujokela mbuli boobo, mbuli mbo tanta matantilo.

<sup>24</sup> Elyo lino, ezi Zinamatizyo, i . . . Lyalo ii—ii Bbuku lya Lununuko, linamatikidwe. Nyoonse mula mvwisye eco na? [Mbunga yaamba, “Ameni.”—Mul.] Alimwi eli Bbuku lina matikidwe aa Zinamatizyo zili Ciloba. Ndi Bbuku lina matikidwe aa zinamatizyo zili ciloba. Mwabona?

<sup>25</sup> Elyo lino amuyeeye, mbuli mbo twa kacitondezya kuli ndinywe, a kucibweza kuzwa kuli Jeremiya a boonse. Lino, balo, cindi niba kajisi . . . Ba alemba mbuli *boobu*, aa kabeele ka—ka malembe, na pepa, mubwini; na, kutali pepa, pele cakali sisidwe. [Mukwesu Branham upandulula kuvungwa a kunamatika kwa skroo, kwiinda ku kubelesya mbali zya mapepa—Mul.] Elyo ba kacivunga, mbuli *boobu*. Lino eco . . . Elyo mpawo mamanino aco aka syaala mbuli *boobo*; eco citondezya cili omuya. Mpawo cimwi citobela citola musyobo nguonya wa busena, civungwa munzila njionya, kuvungwa mbuli *boobo*. Elyo mpawo, ku mamanino, cila vungulukwa mbuli *boobo*, a kusiya cimwi cimbi.

<sup>26</sup> Ee, eelyo lyakali Bbuku lyaka namatikidwe a zinamatizyo zili ciloba. Lino kwiina notwa kajisi Mabbuku mbuli *leeli* kusikila calino. I Mabbuku mu ciindi cakaindi akali maskroo. Akali vungidwe. Alimwi mpawo cindi niba kali kuyanda ciiyo na kufumbwa cintu . . . Mbuli ikuti na—ikuti na Bbaibbele lili vungidwe, uyanda kubala Bbuku lya Isaya; inga wavununa ansi awa kuli Isaya, mpawo ku Li vungulula mbuli *boobo*, aku Li bala. Alimwi eli Bbuku linamatikidwe a zinamatizyo zili ciloba lya Lununuko.

<sup>27</sup> Elyo lino tu jana kuti Kabelele wakazwa, akubweza Bbuku kuzwa mu janza lya Nguwe uukkede aa Cuuno cabwami, a kunamatula Zinamatizyo, a—a kwangulula . . . a kwaangulula Eco, kwaangulula Zinamatizyo ku bantu.

<sup>28</sup> Elyo Banyama bone kaba kkede awo, mbe twa kabweza mu makkalo aa mbungano, Banyama bone mbabonya, mula babona lweendo loonse mu Lugwalo, alimwi Mbe Mbabo baambilizya

ezyo Zinamatizyo nozi namatulwa. Lino, alimwi tula cibona kuti ndi—ndi Bbuku lya Lununuko.

<sup>29</sup> Mpawo twakajokela a kujana i—i Sikamukowa Munununi, a ku Mu bweza, ku kubona obo mulimo Wakwe mbo wakabede. Elyo lino kwa myaka eyi yoonse, Kristo wali kucita mulimo wa Sikamukowa Munununi. Lino, boonse abo bamvwisya ceeco, baambe, “Ameni.” [Mbunga yaamba, “Ameni.”—Mul.] Wa kali kucita mulimo wa Sikamukowa Munununi.

<sup>30</sup> Pele kuyo boola ciindi mulimo wa lununuko nouyo mana. Elyo cindi mulimo wa lununuko wamana, mpawo Uyo siya Cuuno cabwami ca Leza, awo Mpa kkede lino. Pele eco tacili Cuuno Cakwe cabwami. “Oyo uuzunda uyo kkala a Ndime mu Cuuno Cangu cabwami, mbuli Mbwe kazunda nkabela ndikkede aa Cuuno ca Taata Wangu cabwami.” Eco tacili Cuuno Cakwe cabwami. Eco nca Muuya, Leza. Kristo, Kabelele, ta cizulilwi kuli Nguwe. Ngu Leza waba mu buntu, mwabona; uli ngu Leza nguonya, waba mu buntu. Lino, Ula buka kuzwa ku cuuno . . .

<sup>31</sup> Lutaanzi, kwaambilizya kwa kacitwa, nkambo, “Nguni ukonzya kusika a kunu- . . . a kubweza eli Bbuku lya Lununuko?” Mwabona, nkambo mabambe oonse a lununuko, kuzwida kuli Adamu, zyoonse ezyo Adamu nzyaka sweekelwa.

<sup>32</sup> Taakwe caka sweekede cita kusikila kuli Adamu. Elyo kuzwa Adamu, zyoonse zyaka sweeka, mu nyika. Elyo zintuzyoonse aa bulenge bwa nyika zya kasweeka. Elyo zintuzyonse zya kawa antoomwe a Adamu, kazabuka mugelo mupati, cakuti taakwe umwi wakali kukonzya kupilukila, kwakanyina nzila pe. Muntu, cindi na kabisya, wa kasiya nzila yakwe, ta kasiya nzila yakwe yaku pilukila. Elyo mpawo okuya . . .

<sup>33</sup> Cindi oyu mubuzyo niwa kabuzigwa; Johane sikuyubununa, oyo . . . musinsimi Johane, wakali mu cilengaano nkabela waka cibona. Elyo taakwe muntu ku Julu, taakwe muntu aa nyika, taakwe muntu kungsi lya nyika, na kwiina umwi, akwalo wakali kweelela kulanga Bbuku. Mwabona? Lino amu ciyeeye buyo eco! Mpawo Kabelele wasika kunembo, nkabela Wa bweza Bbuku. Lino Johane waka lombwa kuta cilila limbi. Wa kati, “Bona, Mulavu wa Juda wa zunda, alimwi—alimwi Ula konzya kubweza Bbuku aku Li jula.” Aboobo, wa kacebuka ku kubona Mulavu, nkabela wa kabona Kabelele. I mwaalu wakaita, wakati, “Ii Mulavu wa zunda.” Pele cindi na kasika a kulanga, wakali Kabelele kazwa ku Cuuno cabwami.

<sup>34</sup> Lino, ta kalina mvwisya Ceeco. Nkaambonzi? Wa kali kusule okuya, mu kucita mulimo Wakwe wakwiimaakati; nkambo Wa kali kusweka malowa nkambo ka bantu, kukombelezeyya bantu, kusikila buntu bwamamanino, obo bwakali mu Bbuku lya Buumi ilya Kabelele kuzwa ku malengelo aa inyika, bwanjila. Kuyooba banji loko babo okuya, nkabela nce ncico. Kwa mana. I bamwi taba kayandi akwalo kunjila; taba jisi kuyandisya

kwa kunjila. Elyo aboobo, mpawo, cindi buntu bwamamanino bwanjila, mpawo cindi ca lununuko camana.

<sup>35</sup> Mpawo Kabelele wayutuka ku taminina nguzu Zyakwe kuli ceeco Nca kanununa, nkabela obo mbulenge boonse. I nyika a zintuzyonse nzi Zyakwe. Mwabona? Wa kai nununa kubelesya Bulowa Bwakwe Mwini. Elyo cindi Na kayutuka kubweza eli Bbuku, kuti Ali jule, baa, ma, kwa kali. . . Johane tacili kulila limbi. Elyo wa kalanga, nkabela oyu Kabelele wakali Kabelele waka jaigwa. Wa kali jaidwe kale, pele waka pona alimwi. Elyo lino tu jana kuti kabelele waka jaigwa ngu kabelele uuzwande malowa, kazwa bulowa koonse. Wa kajaigwa. Na Ka mana kujaigwa, Wa kabuka alimwi. Wa kakkede aa Cuuno cabwami, kwaamba, kusule kwini ku Cuuno cabwami, mbuli *boobu*, kakombelezeya boonse buntu obo bwakali kuyo boola. Mpawo cindi omwe wamamanino anooli awa, nkabela lwa kamanizigwa, i. . . Leza waka cili jisi Bbuku lya Lununuko. Mwabona? Lino Walo ucita mulimo wa Sikamukowa lino.

<sup>36</sup> Mbuli, Boazi wakaselemuka, alimwi Rute wakali kkedede buyo awo kalindila kusikila Boazi. . . Nda amba, Boazi wakacita lunu- . . . sikamukowa, kanununa mulimo. Mula ndiyeeya na nke kambauka eco, kutali ciindi cilamfu cainda? Rute, kavululwida; alimwi, Rute, kufumbwa nca kacita; akuyabuya ansi, a cintu camamanino cakali, Rute, kalindila. Mula yeeya na nzila Mbwe kakozyanya ceeco mu Mbungano? Kuciindi, Boazi naka selemuka kuyo cita mulimo waku nununa wa sikamukowa. Wa kacicita; waka bbompa bbusu lyakwe a ku cita bumboni, a kunununa Naomi, alimwi, kwiinda awo, jana—jana Rute. Lino, aboobo, Rute wakali kulindila buyo, nkaambo waka belekede kale. Wa kacita zyoonse zintu ezi zimbi, pele waa kali kulindila lino. Elyo mpawo cindi. . . I Mbungano ila lindila, kupumuna (bunji bwabo, kunji kwabo, mu bulongo bwa nyika), kuciindi Na cita mulimo Wakwe wa Sikamukowa Kanununa.

<sup>37</sup> Lino inyika iya bwiindila kubija. Alimwi cibi ciya bulundana, a—a malwazi, a mapenzi, a lufu, a buusu. I baalumi batali Banaleza a banakazi batali Banaleza balafwa mpoonya ansi. Kkulenge lila balya kumaninina, a zintuzyonse zimbi, cindi niba takonzyi kubikka lusyomo lukubwene ku kusika okuya a ku cijata.

<sup>38</sup> Lino amubone. Pele mpawo nicaka mana, kwiinde Wakwe kwiima- . . . kukombelezeya Kwakwe kwaka citwa, Wa kayutuka, kabweza Bbuku kuzwa mu janza Lyakwe. Elyo cindi Johane, a zintuzyonse ku Julu, a kutalika. . . I myuuya yakali kungsi lya cipaililo niya katalika kukwiila. Tu jana eco mu Cinamatizyo Cacisambomwe, alubo. Elyo nzila mboba kabotetwa! Alimwi—alimwi baka wida ansi, baalu, a kutila mipailo ya basalali. Elyo myuuya kungsi lya cipaililo ya kaompolola, “Uleelela Yebo, nkaambo Wa katu nununa kuya kuli Leza! Elyo tu jokela ku nyika, kuyo pona mbuli bami a bapaizi.” Oh, kwakali kupati. . .

39 Elyo Johane wakati, “Boonse ku Julu, zintuzyonse kuni lya nyika, a zintuzyonse,” zyka mumvwa kalumbaizya Leza kujatikizya ncico. Johane kweelede kuti wa kajana zina lyakwe Awo, nywebo mulizi. Coonse ciindi eco!

40 Mpawo wa kati, “Walo uleelela kubweza Bbuku lya Lununuko.” Lino tali zulilwi kaindi ku Mubetesi limbi. Li zulilwa ku Munununi, alimwi Wa cita mulimo wa lununuko.

41 Lino Uyo tondezya Mbungano eco Nca kacita. Amen. Mwabona? Mpawo Walo ubweza buyo. . . Pele Bbuku lili jalidwe. Taakwe umwi wakazi, pe. Ba kalizi kuti Lya kali Bbuku lya Lununuko, ali Ndilyo awo, pele Lye elede kuyubununwa ku mazuba akumamanino. Kweendelana ku Ciyubunuzyo 10, angelo waciloba uyo pegwa Mulumbe wa Ceeco. Nkaambo, Lya kaamba, kuti, “Ku ciindi ca kulizya kwa bukkalo bwa mbungano yaciloba, angelo waciloba, cindi akulizya, onse maseseke aa Leza eelede kumanizigwa, kwiinda ku kulizya.” Mpawo, Lya kumana kuyubununwa, Angelo uyoseluka aansi kuzwa ku Julu, uli ngu Kristo. Lino amuyeeye, oyu angelo ulaa nyika, mutumwa.

42 Aansi kwakasika Kristo, mula Mu bona mu cipati 10 ica Ciyubunuzyo; wabikka cituta comwe aa nyika, cituta cimbi aa lwizi; fulicoongo atala aa mutwe Wakwe, meso mbuli. . . a matende mbuli mulilo, azimwi zimbi; watambika janza Lyakwe, a kukonkezya kuli Nguwe uupona kwalyonse a lyonse, aa Cuuno cabwami, kuteti, “Ciindi tacikabi limbi.” Elyo cindi Atola cikonke eci, Mizuzumo ili Ciloba yaka ndindima majwi ayo.

43 Elyo mulembi, uli, cindi Johane naka tolwa kujulu, wakeelede kulemba eco nca kabona. Wa katalika kulemba. Wa kati, “Uta Ci lembi.” Nkaambo. . . “Uta cilembi Eco.” Calo ta cili- . . . Wa kati, “Ko Ci namatika.” Ncinzi mukati? “Namatika. Uta Ca ambi.” Mwabona, Ce elede kuyubununwa, pele Ta cilembedwe amwalo mu Ijwi.

44 Elyo cindi Na katalika kujula Zinamatizyo, tu jana kuti, zyakali kunyonganya zyoonse. Mwabona? Cindi Na kajula Cinamatizyo Citaanzi, wa kayeeya, “Lino awa Ciyi amba kuti, ‘Elyo ciyo boola kuti *nini-a-nini* uyo bweza cuuno cabwami, alimwi *umwi* kucita *ceeci*, alimwi *oyu* uyo cita *ceeco*.’”

45 Pele cindi ni caka, mpaawa wa kaunka, mbizi iituba, katantide, alimwi sikutanta ali njiyo. Ee, “Wa kajisi buta mu janza lyakwe; nkabela wa ka pegwa musyini, nikwakainda kaindi,” wa kaamba. Kwa mana.

46 Elyo Kabelele waka cebuka alubo, elyo waka somona Cinamatizyo cimbi, nkabela mpaawo kwa kaunka iisiya. . . sikutanta mbizi iisubila. “Alimwi wa kajisi ii. . . kapegwa ii—ii cceba; alimwi wa kali kuunka kubamba lumamba; a kupegwa nguzu zipati, a kugusya luumuno kuzwa aa nyika, a kujayana

umwi aumwi.” Oyo wakali musyobo wa ii...cakacili cintu cisisidwe (embo na?), cindi Na ka Ci jula.

<sup>47</sup> Elyo mpawo kuzumanana, a kuti, “Ku buzuba kakutanaba buyo eyi Mizuzumo ili Ciloba, oonse maseseke awa ayubununwa.”

<sup>48</sup> Lino amulange. Mpawo tu jana kuti, mbuli mbo twakali kulangalanga, kuteti, mucindi ca makkalo, twa ka jisi basilubambululo, kutali basinsimi. Basilubambululo! Elyo ofesi aimwi ibweza mulimo wayo—i wayo.

<sup>49</sup> Mbuli buyo muntu uli ii—ii sikwendelezya matelefooni, tali simalaiti nconzyo. Inga wacita ncito nini ali ngawo. Elyo mbuli, ikuti na muntu sikubikka ntambo, ee, walo ncobeni. . . Ii muntu ngu sikusya malindi a mapoolo, nkabela tana cicitide umwi mulimo wa ntambo, ncibotu wa tantamuka ku ntambo; pele inga wacita mulimo wa kugambika na cintucimwi.

<sup>50</sup> Pele cindi Cintu cini ca kuyubununwa ku buzuba bwamamanino, ca cibeela camamanino ica Mbungano, nce cindi Leza nakaamba kuti Uyo tu tumina, kweendelana ku Magwalo. Elyo twa kacilingula moonse a moonse, cakuti Wa kaamba kumbele kuti Muuya wa Eliya uyo bweeda mu muntu nguonya. Lino, Ndi yeeya kuti eco cabambwa ncobeni antangalala. Elyo swebo. . . Elyo tu langila eco kucitika; kumwi, muntu uunanikidwe, mu mazuba akumamanino, kuyo buka. Lino muyo mvwa basikwiindilizya banji a zintuzyonse zimbi, pele eco buyo—buyo cisola ku. . . Ngu dyabulosi, kasola kugwisya cimwi cini cindi asika awa, mwabona. Pele ciyo lizibya kabotu. Nywebo mulizi obo Eliya mbwa kabede; a kulangilila ceeco, nkabela nywebo—nywebo muyo ziba. Elyo mpawo cindi walo. . . Lino, Basale bayo ziba.

<sup>51</sup> Kutali bamwi; taba kaciciti ncobeni. Bayo Ci impya, mamaile ali milioni. Mbuli. . . Twa kainda moonse kuli ceeco, a kutondezya mbo bakaimpya Johane, mbo bakaimpya Eliya, mbo bakaimpya Jesu, mbo bakaimya boonse lweendo loonse lulamfu. Elyo bayo cita cintu nciconya, nkaambo Bbaibbele lyakati bayo cita. Mwabona? Aboobo mpawo, mu ciindi eco, Ci yooba cibombe loko. Ci yooba cuubauba maningi. Eco. . . cinzi ciyo bamba bantu kuzwa kuli Ndilyo. Lyalo ndibombe maningi kuli mbabo. Tula jana, alimwi lyoonse, cindi bantu nibaba basongo a bayiide, a kuziba zyoonse, mpawo ba buyo. . . Oyo ngo musyobo buyo uciimpya, nywebo mulizi. Mwabona?

<sup>52</sup> Jesu kwiina naka bweza musyobo wa bantu abo (kuba) basikwiiya Bakwe. Wa kabweza bantu bata yiide, bazeli banswi, alimwi taakwe waka swaangene a mabungano abo a zintu. Wa kabweza buyo bantu batakwaankobaya, babwezelela mitelo, a balimi, a bazeli, abamwi bambi, kucita mulimo Wakwe. Mwabona? Nkaambonzi, ta—ta akwe ncoba kazyi, mpawo Wa kali kukonzya kubamba cintucimwi kuzwa muli



mbabo, mwabona. Kufumbwa kuti baka zumanana kuziba kuti teebakali cintu, mpawo Leza wakakonzya kubeleka.

53 Pele cindi nciba kasika kuyeeya kuti bakazi cintucimwi, mpawo, “Ta muzi cintu eco nco mweelede kuziba,” Bbaibbele lya kaamba. Elyo aboobo, mpawo, tu—tu jana boobo.

54 Elyo lino, tu jana kuti, mpawo, kuti aya maseseke ayelede kuyubunuwa.

55 Elyo nkaambonzi aba baalumi bambi, Wesley, Luther, abaabo basilubambululo bapati, baka leta kululamikwa, kusalazigwa, bukkalo bwa Pentekoste antomwe a lubbizyo lwa Muuya Uusalala a zintu, nkaambonzi tiba kajata eyi—eyi Milumbe? Nkaabonzi ncoba taka Ijana? Nkaambo bakali basilubambululo. Mwabona?

56 Mbubonya mbuli, mu cibweze ku lubazu lumbi, kwakali bantu baka njila abo baka “jisi nguzu mbuli bami, pele tiiba kali bami.” Mwabona? Mwabona? Mweelede kuziba bwaambe bwa mabala mu Bbaibbele ku cintu cili coonse. Mwabona? Lino amulangilile. Pele, eci, kaambo ka kugambwa koonse kwataka pandululwa, kwa cibeela camaseseke kujatikizya kululamikwa, cibeela camaseseke ica kusalazigwa, cibeela camaseseke aa lubbizyo lwa Muuya Uusalala. Elyo, nkaambonzi, ino musyobo nzi wakacita...? Sa Eva wakalya apele, na waa kalya pomegiranati, na cintucimwi? Mwabona? Sena...? Ino lunyungu lwa nzoka lwakali nzi? Alimwi—alimwi sa lubbizyo mu zina lya “Taata, Mwana, Muuya Uusalala,” na Zina lya “Mwami Jesu,” liluleme? Elyo, oh, myaanda ya zintu ezyo, zyaka siigwa akutapandululwa kabotu. Mwabona?

57 Elyo mpawo mu oora lyamamanino, oyu mulombwana weelede kusika akuzo yubununa cintu, mwabona, kubweza ncito ya Magwalo. Liyo lizibya kabotu. Amulange. Iyi, munene. Alimwi, lino, tacikabi cintu, cipati ncobeni lino. Ci boneka mbuli, omuno mu Bbaibbele, inga caba cintucimwi cipati.

58 Ino cakali cipati buti, cindi Johane na keelede kuselukila okuya a kubbizya! Amuyeeye buyo lino. I bansinsi, kaindi, lweendo loonse kaindi, Isaya, Malaki, a boonse babo ba kaamba zya nguwe, cindi na keelede kuyosika. Elyo cindi na kacita, mulombwana sibukata buyo, mudaala uta yiide, kajisi malezu koonse ku busyu bwakwe, a boya kabu joncomene mbuli civunyangwa civungidwe, a kabeela kapati kakaindi ka cikutu cambelele ka kazambaidwe ali nguwe; katakwe lwiiyo pe, takwe nakaunka ku cikolo mu buzuba bwa buumi bwakwe, mbuli kuciimo mbo tuzi. Mwabona? Ngooyo waboola, kuzwa ku nkanda, kutali kunji akwalo kuti wakatambulwa mu cikambaukilo, a kwiima awo aa mulonga wa Jodano a kutalika kwiitila bantu ku kweempwa. Sa inga mweezezya!

59 I Bbaibbele lya kamba, kuti, “Zintuzyonse ziyooaba zilemu kapati mu buzuba obo, kusikila alo masena malamfu ayo tolwa

aansi, a masena oonse ala ansi ayo sumpulwa.” Iiyi munene. “Elyo masena oonse acincimene ayo londolwa.”

60 Baa, inga Nda ezezya kuba bona kumasenaokuya, kaba yeeya kuti Johane uyo yutuka, na oyu sikusololela mupati wa Kristo, a kubweza buyo lukula loonse a kulu bamba kabotu, a ku lubikka bwizu alubo. Mwabona? Oh, balo, Nda ezezya kuti bakali cibambide coonse, kujatikizya mbuli mbo bajisi sunu.

61 Pele, cakali cibombe loko, abalo baapostolo baka ciimpya. Ba kati, “Ee, nkambonzi Lugwalo lwaamba, ikuti na i . . . Yebo uunka kutala kuyo tuulwa lino? Nkaambonzi Lugwalo lwaamba kuti—kuti Eliasi weelede kusika kusaanguna?”

62 Wa kati, “Wa kaboola kale, nkabela tii mwaka kuzi. Elyo, Mwana wa Muntu, bayo cita cintu nciconya. Pele, Johane,” Wa kati, “kacita nciconya buyo eco ncake bambilidwe kucita. Elyo baka mucitila nciconya eco ncoba keelede kucita. Elyo,” wakati, “mbubonya Mwana wa muntu mbwa elede kupenga.”

63 Baa, tee bakali obo, Nda yeyela, wani theedi ya mukowa oonse waba Juda wakasola kuziba kuti Jesu Kristo wakali aa nyika. Tiiba . . . Kwayanda bakamvwa sikwiindilizya umwi ambali wakaliko kubusena bumwi, pele teeba kabikkila maanu kuli ncico, kazumanana buyo. “Wa kaboola kuli Bakwe Beni, nkabela Bakwe Beni tii baka Mu tambula.” Lino, mpaawo Mpe syomena akwalo . . . Lino, tii kwakaambwa kuti Uyo boola cakaziye.

64 Pele Kukwempwa kuyooba kwa kaziye. Aboobo ikuti ako kakali kaziye kapati, cindi Na kasika, nkunji buti Kukwempwa mbo kutaka zibwi! Mwabona? Taba ka cizibi. Cigaminina bayoamba kuti, “Ee, Ndali kuyeeya kuti kwa keelede kuba Kukwempwa. Elyo loonse olu lubeta aa nyika?”

65 Walo uyoti, “Kwa kacitika kale, nkabela tii mwaka kuzi.” Mwabona? Kuyooba boobo, mbubonya mbuli mubbi masiku.

66 Mbuli ii—ii bbuku Nde kabala, ciindi cimwi. Ino elyo litegwa nzi? *Romeo a Juliet*, obo mbo lya kabede, na cintucimwi? Wa kalekela, kabikka manela kumbali lya ng’anda, nzila imwi. Mebo nk- . . . Kali ciindi cilamfu cakainda. Elyo wakasika, kajata zyakwe . . . ku mugusya ciindi camasiku.

67 Lino, eyo nje nzila mbo kuyo—kuyo citika, alimwi kuno unkide. Kutali, bayo tuma cikama ca Baaangelo aansi, a mafocolo amwi, a kusya zyuumbwe. I Bbaibbele lyakati, “Tuyo cincwa, akwalo kotana laba liso lyako.” Kulaba buyo, koonse kuno manide, kufwambaana oko.

Kwaamba buyo, “Muntuumwi wakazimaana.”

68 Ee, inga Nda ezezya ikuti na twa konzya kulingula mu inyika yoonse, sunu, kuli bantu bali myaanda yosanwe bazimaana a nyika a buzuba, mwabona, tabazi cintu ancico. Bali bonya buyo, kuzimaana.

Ee, taku kabi banji maningi bayo unka mu Kukwempwa oko.

<sup>69</sup> Lino, Nse yandi ku mukonga, alimwi Ta—alimwi Ta—Ta—Ta—Ta ndiyeeyi kuti munzila eyo, pele Ndi yanda ku mwaambila buyo eco Nca kaamba. Elyo muli cizyi, lwanu. “Mbuli mbo kwakabede ku mazuba akwa Nowa, omo bantu bali lusele baka futulwa ku maanzi. Bantu bali lusele kuzwa mu inyika, kufutulwa ku maanzi.”

<sup>70</sup> Ee, nywebo mwati, “Oh, ma! Ta ndiyandiki kusoleka.” Eco citondezya kuti tojisi musyobo wa lusyomo ngo yandika.

<sup>71</sup> Ikuti na kuyoinka buyo—buyo kwiinka omwe, oyo uyooba ndime, ameni, nkaambo Nda syoma. Mwabona? Eyo nje nzila njoyanda ku cisyoma, wabona, “Kuba ndime.” Masimpe. Ndi yanda kupona muni loko kuli Nguwe, cakuti Ndi lizi kuti Uyo nditola cindi Aku boola. Nda cisyoma. Mbo mbubo. Aboobo ikuti na kuli. . . Ikuti na boonse bambi ba kwiimpya, Ndi yobako, ku luzyalu Lwakwe. Nkaambo, Wa ka ndisyomezya ceeco, alimwi Ndi lizi kuti Njo—Njo bako, nkaambo Ta konzyi kubeja. Elyo Ndi lizi kuti buntu a buumi bwangu zilapa bumboni, alimwi Ndi sola kupona abuzuba mbuli kuti Wa kali kuboola, aboobo Ndi—Ndi—Ndi yooba umwi oyo. Eyo nje nzila njo tuyanda kulimvwa, “Ikuti na kuyooaba bali lusele, Njo ba umwi wa baabo bali lusele; kuyooaba bali myaanda yosanwe, Ndiyo oba umwi wa baabo bali myaanda yosanwe. Ta ndizi makani a mulombwana umwi, pele Ndi yanda kuba umwi wa baabo bali myaanda yosanwe.” Mwabona? Eyo nje nzila njoyanda kuyeeya. Mwabona?

<sup>72</sup> Elyo ikuti na tociyeeyi mbuli obo, kuli cintucimwi cilubide ku lusyomo lwako. Mwabona? Toli masimpe kuti waka futulwa, mpawo. Yebo uyeeyela buyo kuli ncico. Uta citi ceeco. Yaa.

<sup>73</sup> Ta tuko njila mu Cinamatizyo eci, sa tula cita? Yaa. Ndi yanda, busiku abumwi. . . Ta ndizi naa inga mwa ndilekela kutola ciindi canu. Inga twa zwa aniini kufwambaana. Kuli kunji maningi. . .

<sup>74</sup> Mu kuyubununa ezyi, Zinamatizyo ezi, amuyeeye, nkampango komwe biyo ncobeni. I citaanzi, caamba kwaambilizya kwa ncico, kampango 2. Bunji bwa bupanduluzi bupati boonse, bumwi bumbi, kubala kwa ncico, na—na kubala kwa miyeeyo yabo, alimwi Nda kaba—alimwi lyoonse Nda kasyoma mbuli boonse babo mu kutandila mbo bacita, kuti oyo sikutanta mbizi mutaanzi yakali i—yakali mbungano ntaanzi. Pele cindi Muuya Uusalala waka ciyubununa, cakali impene kumaninina kuli ceeco. Elyo aboobo mpawo, koonse cila cita, kutondezya buyo mbo cibede. Elyo mpawo Nda soleka. . .

<sup>75</sup> Lino, kuli ndime, eci cili setekene maningi. Ako nke kaambo inga Nda sala kwiingula mibuzyo eyi. Elyo kucilekela kumvugwa, boonse mukuziba kutonkomene, alimwi aa mateepu,

alo, kuti bayo mvwisya lino. Mwabona? Nda kasoleka ku kanana asyoonto, masiku, aakupa ntalisyo, ku bamba bantu. . .

76 Kubindila mukati a kutontela mukati, nkabela, tolede kucita ceeco. Wabona? Pele, cindi ca cita, balo mbantunsi. Elyo kula pya mukati—mukatiomuno, alimwi nywebo—alimwi nywebo tamu kkalikene.

77 Pele mwali kabotu, maningi maningi. I ciinda kubota Ne kasola kabona bantu kulilemeka, mu cikombelo, wali muswaangano oyu; a kukkala zii, a bamatumbu kaba tola bavwanda babo ku kaanda kakubambila bana ciindi batalika kulila. Elyo zintuzyonse zyali kabotu maningi.

78 Pele Ndi sola kupa ntalisyo ya ncico kusikila Nda mvwa bunanike bwa Muuya aali ndime, ku kwaamba aya Majwi, ku kwaamba eco cayubununwa kuli ndime. Elyo mpawo ikuti na Ndi jisi, abusena bumwi, kucita ceeco, ikuti na Nda cita bulubizi awa, masimpe awa kumbele lya bantu boonse Ula bululamika kuli ndime. Nda—Nda ciyanda. Cili—cili. . . Nda Ci yanda ka ciluleme. Ta cigwasyi kubweza buyo eco nco yeeyela. Kuli cintucimwi ciluleme, alimwi—alimwi tu yanda Ceeco. Tu yanda Leza kutupa ceeco ciluleme.

79 Aboobo lino twa kabweza ceeci, aba basikutanta, mbuli mbo bakalibonya. I mbizi ntaanzi, lino, alimwi tula mvwisya kuti eyo yakali i—i sikulwanakristo oyo wa kaunka. Elyo mpawo twa kajana kuti, busiku bwainda, kuti mulombwana nguonya oyo wa kaunka mbuli sikulwanakristo, mbuli mbizi iituba, twa kamušana a cceba, busiku bwainda, katantide, a kujaya bantu.

80 Lino, lino, lyoonse kuli cakunyama a cakumuuya. Elyo nkambo ka Mbungano, Ndi yanda kukozyanya, katutana buyo kusika ku kujulwa kwa Cinamatizyo eci.

81 Calo, eco Nca ndipa, Ndi cilebede awa. Ndi jisi Magwalo masyoonto awa, mapeegi ali ciloba na lusele ancico, alimwi mbuli Mbwe tondeka kuli ncico.

82 Amubone, Ndi yanda kupa cikozyano, ca Mbungano, a kucibamba antangalala kutegwa mukonzye kucibona. Mwabona?

83 Lino, kwakali nabwiinga wakunyama mu muunda wa Edeni. Mulayeeya masiku ainda? Oyo nabwiinga wakunyama, waa kali kalungu kakumoyo wa Adamu, katanaba mukaintu wakwe, nkaambo takali na muziba pe.

84 Mbubonya mbuli Mariya mbwa kali mukaintu wa Josefa, pele takalina muziba pe. “Waa kajanwa a mwana.” Mwabona?

85 Lino, Adamu katana ziba mukaintu wakwe, waa kacili nabwiinga kuli nguwe. Yaa. Elyo tu jana kuti Leza. . . Waa, waa kawa mu muunda wa Edeni nkaambo waa kakilwa kujata ku Ijwi lya Leza.

<sup>86</sup> Lino, Wa kalizi kuti Saatani inga uyo angululwa akati kabo, aboobo Wa kabapa ii—ii busena kukkalila kunze; kuba kwabilila. Ee, awo, nguni wakali kukonzya kuziba busena bumwi bubotu loko bwa kukwabililwa, kunze Iya Leza, ikuti na Walo usola kumamela bana Bakwe Mwini?

<sup>87</sup> Ikuti na Nda kali kuyanda kumamela Joseph wangu muniini, ee, mukwesu, zintuzyonse. . . Elyo Nda kalizi buumi bwakwe kuti buyaamina ali nkuko, baa, Inga. . . alimwi Nda kali kukonzya kucicita. Ee, ikuti na kkonkiliti ya tukulola tuli makumi one, yaka yumisigwa, inga—inga yaba cintu cakucita, nko kuti. . . Inga ndaibamba tukokola tuli makumi ali fuka, ku kuba masimpe, eco.

<sup>88</sup> Elyo ikuti na Nda konzya kuyeeya makani a mulombe wangu muniini, (calo, ikuti na bumi bwakwe bufwika bwaka sweeka, Nda syoma mwana na kafutulwa,) nkunji buti maningi, kuli Leza, ku mwana Wakwe oyo wakalino sweeka Cabutamani! Ncinzi Nca elede kubikka kunze Iyakwe? Wa kamubikka kunze Iya Ijwi Iyakwe Mwini. Kufumbwa kuti koli mu Ijwi eelyo, uli kabotu. “Ikuti na mwakkala muli Ndime, a Majwi Angu muli ndinywe, nkokuti abmulombe buyo eco nco muyanda.” Nce ncico, Ijwi.

<sup>89</sup> Aboobo, Eva wakali kweendeenda kulikwaya mu muunda, nkabela wa kabbutukizya nzoka, mulombwana wa musyobo uyiide kapati. Elyo waa. . . Elyo wa katalika. . . Lino, wa kali ku lubazu lumbi. Leza ulapona, ukkala, milimo mu bubombe, taakwe nzila imbi pe. Mwabona? Lino, mulindu, muniini mubombe keenda okuya, nkabela Saatani wakayutuka mbuli mulombwana, wa musyobo musongo, mucenjezu uyiide kapati. Elyo wa kali kuyanda kumu sambalila mabambe. Kufumbwa kuti. . .

<sup>90</sup> Takukwe makani kunji Saatani nkwakaliko; kufumbwa kuti waa kakkala kunze Iya Ijwi eeli, wa kali luleme. [Mukwesu Branham waumauma Bbaibbele Iyakwe—Mul.] Mwabona? Aboobo, alekwe Saatani kucita kufumbwa ncayanda; ko kkala biyo a Ijwi. Takubambi lwandaano noluceya.

Ikuti na waamba, “Baa, uli cisidwe.”

“Ku mibunda Yakwe Nda ponesegwa.”

“Ee, uyo fwa.”

“Uyo ndibusya alubo. Wa ka cisyomezya.”

<sup>91</sup> Mwabona, amukkale buyo kunze Iya Ijwi. Kwa mana. Kristo wa kadilikila ku Ijwi, Mwini. “Kuli lembedwe.” Mwabona? Lino, amukkale kunze Iya Ijwi.

<sup>92</sup> Pele, Eva, waa katalika kubaanga nkulekezya, pele taka cilekezya coonse. Wa kalekezya bwaambe bomwe buniini. Alimwi eco Saatani nca kali kuyanda kuti acite. Wa kamugwisya kunze Iya cisyomezyo ca Leza, kwiinda kukubuzya buzya.

Muta soli kubuzya buzya Ijwi Iya Leza. Amu Li syome buyo! Mwabona?

<sup>93</sup> Aboobo, waa setuka kuzwa Awo. Elyo Adamu katana sola kumujata, kuba mukaintu, waa kasofwasidwe kale kwiinda kuli Saatani. Elyo waa. . .

<sup>94</sup> Alimwi sa mwakabona? Kristo waka cita cintu ncoonya, mbubonya. Lino, ku kunununa, Leza wa keelede kubako lutaanzi. Sa mwa kabona? Mariya, katana boola kuli Josefa, Muuya Uusalala waka sikide kale okuya. Ameni. Mwabona? Nko nkuko Munununi nkwa kasika.

<sup>95</sup> Lino, lino amubone, mwanakazi wakunyama wakawa, nkabela Leza waka mubambila nzila kuti anununwe. Nekubakuti waa kali wide, Wa kabamba nzila.

<sup>96</sup> Lino, oyo wakali nabwiinga mutaanzi aa nyika, wakawa, mulumi wakwe a nguwe kaba tana kwatana. Wa kawa, kwiinda—kwiinda ku kaambo ka—ka kubuzya buzya, mucibaka ca kukkala a Ijwi. Waa kawa. Elyo wa kawida lufu, kwaandaana Kutamani. Antomwe anguwe, waa katolelezya mulumi wakwe a zintuzyonse zimbi zyakaliwo aa nyika. Waa kawa!

<sup>97</sup> Lino, pele, Leza, uuzwide luse, wakabamba nzila ya kunununa mwanakazi oyo. Elyo lino Wa ka musyomezya, ku mwaambila kuti ciindicimwi, ciciza, Ijwi lini liyo boola kuli nguwe alubo. I Ijwi lini liyo yubununwa kuli nguwe. Lino amu ciyeeye eco. Nkaambo, Wa kasyomezya Kristo, kwiinda ku mwanakazi.

<sup>98</sup> Alimwi Kristo ndi Ijwi. Musalali Johane 1, “Ku matalikilo kwakali Ijwi, alimwi Ijwi lyakali antoomwe a Leza, nkabela Ijwi wakali Leza. Elyo Ijwi lyakaba mubili,” mwabona, “a kukkala a ndiswe.” Leza waka kkala a ndiswe mu mubili. Wa kali Ijwi.

<sup>99</sup> Kakutanaba Ijwi, wakali muyeeyo. Elyo muyeeyo weelede kulengwa. Ncibotu. Aboobo, miyeeyo ya Leza yakaba bulenge cindi naka yaamba, kwiinda ku Ijwi. Eco ncecindi Na citondezya kuli—kuli ndinywe mbuli muyeeyo, muyeeyo Wakwe, nkabela ula yubununwa kuli nduwe. Mpawo, ucili muyeeyo kusikia *yebo* waukanana. Ako nkekaambo. . .

<sup>100</sup> Musa wakaunka kubusena kuyo paila. Oyo Musumpululu wa Mulilo waka muzungulukide, nkabela Wa kati, “Koya, tondeka kasamu kako kutozya kujwe, a kwaamba, kwiitila ‘nzinini.’”

<sup>101</sup> Taakwe nzinini. Pele wa kaunka a kujatilila kasamu awo, a kuti, “Akube nzinini.” Takunaba nzinini, pe. Kazumanana kupiluka. Pele majwi, muyeeyo wa Leza, wa kaambwa kale. Ndi ijwi, lino weelede kucitika.

<sup>102</sup> Lino sa tamuboni awo Jesu mpa kati? “Ikuti na waambila dundu eli; kutali kuti na Nda caamba. Pele *yebo* waambila eli dundu, ‘Ko zyuka.’”

103 Elyo cintu citaanzi, Nda yeeyela, mu ciindi ca Musa, nzinini mpati mpati yakaindi ya griini kutalika ku nziima. Elyo, kwiinde kaindi, zyakali mapaundi ali osanwe ayaadi aimwi. Mwabona? Nkokuli nko zyaka zwida? Walo... Leza waka zilenga. Sena mwabona nzila...

104 Leza ula konzya kunyonyoona ei inyika sunu, kubelesya—kubelesya tususuli, ikuti Na ula yanda. Ee, Wa kali kukonzya kulundika tususuli kulaale ku mweezi. Cintu biyo Nca kali kukonzya buyo kwaamba kuti, “Akube tususuli, ku mweezi.” Oko nikwakaba koonse kwaka linooba kuli nguwo. Kaatakwe makkemikko na cintu, ni twa kazumanana buyo kuvula, kuvula, kuvula. Mwabona?

105 Ula konzya kucita Nca yanda. Ngu Leza, Mulengi. I cintu biyo cakucita nku caamba buyo. [Mukwesu Branham wanontola munwe wakwe lomwe—Mu.] Mbo mbubo. Walo Mulengi. Lino, ikuti na twa mvwisya buyo nzila Mbwali mulemu! Mwabona? Walo ucita buyo eci Nca yandisya.

106 Ula kkala alya a kulanga bantu, a baabo bamaiyi baniini, basongo kubusena, elyo, “Taakwe Leza,” elyo—elyo zintuzyonse. Huh! Baa, cili buyo mbuli mbo kwakabede ku Babelo, alubo. Babelo, mubwini.

107 Lino tubona kuti Leza wakaambila Eva, kuti, “Nikwakainda ciindi cilamfu kuti, Ijwi lijokela kuli nduwe.” Lino, waa kawa buti? Ndi yanda kkilasi yangu icaambe. Ino waa kawida kuzwa kunzi? Ino Eva waka wida kuzwa kunzi? I Ijwi. Sa mbo mbubo? [Mbunga yaamba, “I Ijwi.”—Mul.] I Ijwi. Elyo Leza wakati inga Uyo bamba nzila yaku munununa kujokela ku Ijwi alubo. Ncibotu. Nikwakainda ciindi cilamfu loko, Ijwi inga liyo yubununwa kuli nguwe. Ncibotu. I Ijwi inga liyo boolela bukanze bomwe lino. Amujatisye lino, kuli ceeco Nce wamba. I Ijwi inga liyo boolela bukanze bomwe, obo bwakali bwa lununuko. Ncibotu.

108 Pele, kusikila—kusikila eelyo, waa kajisi ciiminina eco cakali—eco cakali kuno beleka kusikila ni cakasikila Ijwi taanzi. Lino nywebo—nywebo mwamvwisya kabotu na? [Mbunga yaamba, “Ameni.”—Mul.] Mwabona? Wa ka mwambila Ijwi kuti inga liyo piluka kuli nguwe, pele, kusikila ku ciindi eco, Wa kamupa ciiminina kusikila eco ciindi nicakasika. Aboobo, Wa kamupa cipaizyo cakubamba, ciiminina ku Bulowa obo.

109 Lino, bulowa bwakali bwa bacende a mbelele, a mpongo a zintu, pele tee bwakagwisya cibi cakwe. Mwabona? Bwa kavumba biyo cibi cakwe. Tee bwa kacigwisya, pee. Ca kacivumba. Nkambo, bwakali bulowa bwa cinyama, alimwi mu bulowa bwa cinyama kuli buumi bwa cinyama. Cakali ciiminina kusikila cini... Lino amu same mabbaki anu.

110 I Bulowa bwakasimpe, bwa muntunsi, mbuli bantusi nibwa kaba, kuli fungula (Leza); kakutakwe nkwela, nakalindu,

kuzyalwa kwa nakalindu kwakaleta ceeco. Lino Ijwi lya Leza, cisyomezyo, kaba Bulowa, alimwi kali fungula muciiimo ca Muntu Jesu Kristo Mufutuli. “I bulowa bwa bacende a mpongo, azimwi zimbi. . .”

<sup>111</sup> Pele lino amulindile. Ngooyu Leza wakapanga cisyomesyo, ku caamba kuti ciyooba Caa kusika, “Lunyungu Lwakwe lweelede ku cuzaula mutwe wa nzoka.” Lino, ikuti na lunyungu lwakwe lwakasika buyo mbuli kuzwa kuli Adamu, na mbuli mbo lwakazwa ku nzoka, abumwi bumbi, nkokuti nolwa kacili lunyungu lwacibi.

<sup>112</sup> Ako nkekaambo Johane nca kalila. Kwakanyina muntu, nkambo taakwe muntu. . .Boonse bakali mutala, lubazu lumbi lwa mulindi, mugelo mupati. Pele kuyo boola ciindi cakuti ciiminina eci ca bulowa bwa cinyama nociyo lesege, cindi Bulowa, bwakasimpe bwakalifungula nibwakasika: Leza, wakaba mu mubili a Bulowa. I Bbaibbele lyakati Mbwa kabede. Timoteo Mutaanzi 3:16, “Kakutakwe nkazyanyo mpati maseseke a buleza: nkambo Leza waka tondezegwa mu mubili.” Mbo mbubo. I kuzyalwa kwa nakalindu kwaka cita ceeci.

<sup>113</sup> Lino, bulowa bwa mbelele a mponga bwa kavumba cibi, pele tee bwaka cigusya, nkambo bwakali bulowa bwa cinyama. Pele bwa keelede kuba kabotu, bwa keelede kuba ciiminina.

<sup>114</sup> Elyo masimpe baka—baka zibila ku ciiminina eco, nkabela aboobo baka zumanana buyo.

<sup>115</sup> Elyo, cindi, Ijwi, lini lyaka syomezegwa nilya katondezegwa muli Jesu Kristo, Oyo wakazibya kuba Mwana wa Mulengi mupati, Leza; nkabela waka simpikizigwa, Mwini, kwiinda mukuba Ijwi lya Leza lipona. Fyuu! Ma! Wa kazibya Mbwa kabede. Wa kali kukonzya kwaamba zintu kuba.

<sup>116</sup> Takukwe muntunsi, na—na cintu mu inyika, cakali kukonzya kucita ceeco. Takukwe cintu aa nyika cikonzya kulenga, cita Leza. I dyabulosi takonzyi kulenga. Ngu sikusandula eco ca kalengwa, pele ta konzyi kulenga. Cibi nkusandulwa biyo kwa bululami. Nywebo mulizi Nce pandulula. Ino bubeji niinzi? Bwalo mbwini bwakapindamunwa. Mwabona? Ino bumambi niinzi? Mucito uululeme wasandulwa. Zintuzyonse mu cibi, cibi calo Mbwini kwasandulwa. Lino, ta kakonzya kulenga.

<sup>117</sup> Pele cindi Kristo nakasika, wakazibya kuti Wa kali Mulengi. Kwakanyina Bulowa bwaka syomezegwa. Lino ikuti na muyanda kubala ceeco, nywebo. . .Atu jule buyo aniini. Tuyo likwaya aa ciindi kuli ceeci, nekuba, sunumasiku. Ndi. . .

<sup>118</sup> Ci ndibamba kulibilika. Ndi yeeya bantubonse bayanda kuya ku muunzi, nywebo mulizi. Elyo aboobo cili ii. . . [Mbunga yaamba, “Peepe.”—Mul.] Lino atu jane Incito 2. Ndamu lumba. Elyo tula buyo. . .



119 Incito 2, nkabela tula ziba naa eci cili luleme, na pe, naa Wa kazibisigwa kuti Wa kali Leza. Ncibotu. Amujane Incito 2. Lino atu sike awa aa kampango ka 22, Petro kaambaula, a Buzuba bwa Pentekoste.

*Nywebo nobantu ba Israyeli, amumvwe majwi aya; Jesu waku Nazareta, muntu waka zibisigwa aa Leza aakati kanu kwiinda ku maleele... zingambyo a citondezyo, ezyo Leza nzya kacita kwiinda kuli nguwe akati kanu, mbuli ndinywe lwan-... anyw-... lwanu akwalo mulizi:*

120 “Ii muntu waka zibisigwa, kuti wakali Leza akati kanu.” Kwiinda ku zintu nzyoonya Nzya kacita, kazibya kuti Wa kali nguwe. Ngooyu Petro, kaimvwi ku Sanhedrini, ka baambila.

121 Nikodemo wakalizi mbubonya. Wa kati, “Rabi, tu lizi kuti Uli Mwiyi uuzwa kwa Leza, nkaambo taakwe muntu ukonzya kucita zintu ezi citakuti Walo uzwa kwa Leza.” Mwabona? Ba kali cizi. Pele nkamboonzi?

122 Lino amulangilile. Lino, Eva waka syomezegwa ceeci. Pele cindi. . . Oyo nabwiinga wakaseluka, a kukaka, cindi Ijwi lini nilya kasika kuli nguwe. Aboobo, mwanakazi waakaka kuziba; nabwiinga wa Cihebrayo. Nkambo, waa kali nabwiinga wa—wa Leza; Wa kamuleka, mukulekana. Sa mbo mbubo? Waa kali nabwiinga wa Leza.

123 Nywebo mwati, “Ee, tii bakalina kwatana.” Mbo mbubo. Pele Josefa wakaleka Mariya katana. . . Wakali kuyanda kuleka Mariya kabatana kwatana. Mwabona? Wa kali tangidwe kuli nguwe.

124 Elyo cindi Na kasika, a Ijwi Ndyo kasyomezya, kaboolela mucado, Wa mujana kali mu ziiminizyo zyakwe, kapati loko, cakuti ta kali kukonzya kutambula cisyomezyo cini eco caka bambwa, Ijwi, Kristo.

125 Ndiza tamu cimvwide. Lino andi ciloolole. Ndi yanda kuti mucimvwisye eci, mwabona.

126 Waa kasyomezegwa, (nabwiinga, Eva), kuba Munununi. Munununi wakwe kuti inga uyooba Ijwi. Elyo cindi Ijwi nilya kasika, kaba mumubili, waa ka Li kaka. Waa kapegwa ziiminina. Lino amujate eco, “ciiminina.” Kapegwa ziiminina kuzumanana, kusikila Munununi akaboole. Elyo cindi Munununi nakasika, waa kali kuyanda kuyabuya a ciiminina cakwe, nkabela wakaka Ijwi lya bwini. Mwa cibona? [Mbunga yaamba, “Ameni.”—Mul.] Elyo oyo wakali nabwiinga wa Cihebrayo.

127 Mbubonya Mbwa kacita, kwiinda kuli Eva wabili, nabwiinga, banyina wa bupone boonse bwakumuuya. Mwabona? *Eva* caamba “banyina wa zyoonse,” oyo muuya- . . . “zyoonse zipona.” *Eva*, “banyina wa zyoonse zipona.”

<sup>128</sup> Lino, alimwi cindi Na kasika kuli nabwiinga wa Cihebrayo, waa kali banyina wa zyoonse zyakali kupona, pele waa ka Li kaka.

<sup>129</sup> Eva wakunyama wakawa, mu Edeni, kwiinda ku kuswiilila kubuzya buzya kwa Saatani kukulwisya Ijwi Iya Leza. Obo mbwa kawa. Yaa, munene. Waa kawa nkaambo waa kacita ceeco.

<sup>130</sup> Eva wakumuuya, lino, eyo ni mbungano, nabwiinga wa Kristo. Waa kawa, kutali mu Edeni, pele mu Rome, mwabona, ku Kkansa yaku Nicaea, cindi na kafutatila, eyo mbungano ya Pentekoste, eyo yakaunka kumusanza ku Nicaea, a kuswiilila kubuzya buzya kwa Roma, mucibaka ca kujatilila ku Ijwi, waa kawa. Elyo zintuzyonse kutantamuka kuli nguwe, zyakafwa a nguwe, zyamunsi lyakwe. Lino, mbuli buyo Eva wakunyama mbwa kawa, Eva wakumuuya mbwa kawa. Nabwiinga wa Leza wakawa—wakawa mu muunda; Nabwiinga wa Kristo wakawida mu Rome. Mwabona?

<sup>131</sup> Amubone, kwiinda kukubuzya buzya nkukonya, kukulwisya Ijwi Iya Leza, walo waa kasweekelwa inguzu zyakwe zya bubotu, kuya kuli Saatani. Kwalo, twa kajana mu kunamatula Zinamatizyo ezyo, kuti oyo wakali Saatani, alimwi ucili Saatani okuya. I Bbaibbele lyakati cicili ncoonya cuuno ca Saatani. Elyo mbuli Eva mbwa kasweekelwa inguzu zyakwe—zyakwe zya bubotu, a kuzipa kuli Saatani, mu muunda wa Edeni; mbungano, nabwiinga wa Kristo, wakacita cintu nciconya ku Rome, cindi nibakasweekelwa Bbaibbele kukaambo ka kayanza kabuzumini a kubuzya buzya. Mwabona mbo citondezya? [Mbunga yaamba, “Ameni.”—Mul.]

<sup>132</sup> Amu zitobezye buyo zikozyanyo ezyo, muleelede kuzwa kabotu ncobeni. Ikuti na janza lyangu liboneka mbuli. . . Ikuti na Nsena libona lwangu, nkabela Nda bona cimvule cangu kaciza, Njo ziba buyo makani aboobo Mbwe boneka. Mwabona? Pele, eyo nje nzila. Ikuti na uyanda kubona eco ciboola, kubona mbo cakabede. “Nkambo i . . . zyoonse zintu zyakaindi zyakali zimvule zya zintu ziciza,” Bbaibbele Iya kaamba. Ncibotu.

<sup>133</sup> Nkambo, waa kasweekelwa Ijwi Iyakwe bbotu, Ijwi Iya Leza, cindi na kasambala Bbaibbele, a kubikka muntu omuya akwaamba kuti mbungano ijisi inguzu kucinca kufumbwa cintu ncoba yanda kucinca. Elyo baka cicita. Elyo nabwiinga wa Kristo, nabwiinga wa pentekoste, wakasambala bubotu bwakwe, ku Nicaea, mbuli buyo Eva mbwa kasambala bubotu bwakwe kuli Saatani mu muunda wa Edeni. Mbubonya. Yaa.

<sup>134</sup> Leza waka syomezya; mbungano eyi, eyi mbungano ya pentekoste, mukuziba kuti iyo cicita; mbuli Mbwa kacita kuli Eva, Leza waka syomezya.

<sup>135</sup> I mbungano ya pentekoste, sena mula syoma kuti yaka sambala inguzu zyayo zyakuzyalwa, kakutanaba . . . bubotu

bwakwe, cindi niya kazwa awo? Mula syoma obo? [Mbunga yaamba, “Ameni.”—Mul.] Yalo, masimpe, ya kacita. Mpawo ino mbubotunzi bukombi bwabuzumini, buta simpikidwe aa Bbaibbele eli? Ndi yanda muntuumwi ajane eco citegwa Buzumini bwabukombi ibwa Baapostolo, na akwalo bbala lyomwe lya mbubo mu Bbaibbele. Obo mbuzumini bwabukombi ibwa Katolika, kutali buzumini bwabukombi ibwa baapostolo.

<sup>136</sup> Amubale Incito 2:38, obo mbo Buzumini bwabukombi ibwa baapostolo, ikuti na uli jisi bumwi...?...Lino, obo mboba kabelesya ciindi coonse, akwalo. Aboobo ikuti na mu... Mwabona?

<sup>137</sup> Aboobo, baka sambala inguzu zyakuzyalwa kwabo. Kutali boobo biyo, ba Methodisti, Baptisti, Presbyteria, Pentekoste, abamwi babo, bacita nciconya. Waa kapanga kabungwe. Rome, caka mubamba kucita ceeco, waa kapanga kabungwe a kubikka muntu ku mutwe wa nkako. Elyo ba Methodisti, Baptisti, Pentekoste alimwi umwi aumwi, bacita cintu nciconya, kubika nkamu ya baalumi ku mutwe wa nkako. Takukwe makani Leza ncaamba, bali... Mweelede kucicita munzila njo baamba kucicita.

<sup>138</sup> Ee, ino ncinzi? Tacili cintu mu inyika cita bwaamu bwakumuuya, musyobo uutaluzi wa mwanakazi; iyyi, munene, buzumini bwabukombi, buzumini bwabukombi bubeji, bwakacitwa aamuntu. Mpawo waa ba, cindi naka cita ceeco... Lino Nda citondezya eci. Waa kaba muvuule, kuli Leza. Sa mula syoma kuti Bbaibbele lyaamba boobo? Iyyi, munene. Bana bwakwe basimbi bacita cintu nciconya.

<sup>139</sup> Lino mu Ciyubunuzyo 17, ikuti na muyanda ku ceengela. Johane waka tolwa mu Muuya, “Nkabela wakabona muvuule mupati kakkede aa...” Alimwi twa kacibala masiku ainda. Elyo kwakali zilundu zili ciloba, alimwi mbubonya mbwa kacita. Elyo waa kapa inyika bwaamu bwa busofwi bwakwe. Sa mbo mbubo? “Elyo boonse bami baa nyika bakacita bwaamu anguwe,” Kweena, a kubba, a kubeja, akubadelela kweempwa, a—novenasi, a zintu zyoonse zimbi.

<sup>140</sup> Ee, lino amuyeeye, waa kajisi bana basimbi. Ee, ikuti na waa kajisi mubili, a kuba kungsi lya cianza ca kabunga, mpawo cianza coonse cili lubide. Elyo ikuti na Eva, mukuta swiilila Leza, waka njizya zintuzyonse mu lufu, zyakali kungsi lyakwe; a mbungano yoonse ili bunganya, injizya zintuzyonse mu lufu, zili kungsi ayo. Mbombubo. I cintu coonse canyonyooka. Eco cileendelana ncobeni a Ijwi awa. Amubale Ciyubunuzyo 17. Elyo Bbaibbele lyakati Uyo “muumpya mulilo, a boonse bana bakwe antomwe anguwe.” Mbo mbubo. Eco caamba kuti, cianza acimwi cakabunga ciyo umpwa, antomwe a muvuule.

<sup>141</sup> Lino, eco cili mvwisya kuta botelezya, nkabela Ndi—Ndi lizi kuti muyo mvwa kuzwa kuli ncico, nkabela Ndi—

Ndi yanda kumvwa kuzwa kuli ncico. Elyo Ndi—Ndi . . . Mbo mbubo, nekuba. I Bbaibbele lyakaamba boobo, aboobo eco cila cilulamika.

142 Waa kaba “muvuule.” Inga mwacibala mu Ciyubunuzyo, cipati 17. Waa, ncinzi nca kacita? Wa kacita bwaamu, kulwana Mulumi wakwe wini. “Ee,” nywebo mwati, “peepe, elyo ndi Bbaibbele.” I Ijwi ngu Leza. Ikuti wa bweza cintu comwe . . .

143 Sa inga wayanda mukaintu wako kumyonta mwaalumi umbi? Ikuti na takacita eco biyo, inga toyanda kuti acicite. Walo inga watondezya kutalulama kwakwe.

144 “Kufumbwa uyo gusya Ijwi lyomwe kuzwa kuli Ndilyo, na kuyungizya lyomwe kuli Ndilyo.” Aleluya! Kristo uyanda Mukaintu Wakwe kanjoloma a Ijwi. [Mukwesu Branham wakonkomona aa cikambaukilo ziindi zyone—Mul.] Eyo nje nzila Nja elede kuba.

145 Nkaambo, taakwe, kutali kazila komwe, na kabala komwe, na kufumbwa cintu, na kabeela, kuti kayo loba kuzwa ku mulao oyo, na kuzwa ku Bbuku eelyo, kusikila Lyalo lyoonse lika zulizigwe. Jesu wakati, “Majulu a nyika ziyo loba, pele Ijwi Lyangu tali kalobi.”

146 Muta bikki bupanduluzi bumwi bwa muntu kuli Ndilyo. Walo uyanda linjoloma, lisalala, kutali akwalo kulilemeka kwankwela. Inga nseyanda mukaintu wangu kulilemeka cankwela ku mwaalumi umbi. Elyo cindi watalika kuswiilila musyobo umwi wa kubuzya buzya, kwiindilila Eelyo, uli mukuswiilila, uli mukulilemeka cankwela kuli Saatani. Amenii! Sa tacimubambi kulimvwa basibukombi? [Mbunga yaamba, “Amenii.”—Mul.] Leza umuyanda kukkala ka musalala. Amu kkale mpoonya a Ijwi elyo. Amu kkale ncobeni a Ndilyo. Ncibotu.

147 Leza waka musyomezya, mbuli Mbwa kacita kuli Eva mu muunda wa Edeni, kuli oyu Eva wamamanino akuno. Yalo, mbungano ya pentekoste, matalikilo aa mbungano, mbungano lwayo, ngu banyina wa bantu boonse bapona, nkaambo, kufumbwa kuti banjila omuya. Pele, nywebo mwabona, cindi babweza zibi zyakwe, balafwa anguwe.

148 Ngooyu wasika mulombwana muniini ambali. Wa amba, “Ndi—Ndi yanda kubelekela Leza.”

149 Ba lati, “Ee, nceeci nco tiicite. Koselemukila okuya a kweempwa.”

“Ncibotu, Ndiyo cicita. Bulemu kuli Leza!” Koselemukila okuya, koempwa.

150 “Lino boola utu sangane.” Mpaawo, mpaawo we. Uh-huh. Mwabona? Eco caci jata. Huh! Mbo mbubo, kafwa ncobeni a ncico. Mwabona? Mwabona? Eco buyo . . . Eco ncencico eli Bbuku

ncoli yiisya, mwabona, kutali eco Nce wamba. Nkaambo, Lya amba kuti Awa, boobu. Ncibotu.

151 Lino, Leza waka musyomezya, mbuli Mbwa kacita Eva. Wa kaambila Eva kuti kuyo boola ciindi cakuti i—i Ijwi liyo jokela kuli nguwe alubo. Lino mula yeeya eco na? Eco nca kaswekelwa, inga ciyo boozegwa. Nkaambo, kuli Cintu comwe biyo cikonzya kuboozya, nkabela eelyo ndi Ijwi. Mbombubo.

152 Nda kati, kodubula ntobolo; ikuti na touma mbaakani, koziba awo mpo yainzya. Weelede kujokela okuya a kutalika alubo. Wabona?

153 Elyo ikuti na mwajokela, amuunke ku Nicaea. Oko nko mweelede kutalikila alubo, mwabona. Amujokele, kuzwa ku tubunga, kuzwa ku mbungano eyo yoonse. Elyo twa kali kubona ezi Zinamatizyo ka zilondokede ncobeni.

154 Nda libuzya lyoonse, mu buumi bwangu boonse, nkaambonzi Nce lwana maningi ziyanza zya tubunga. Kutali bantu, peepe. I bantu bali buyo mbuli ndime na nywebo, na kufumbwa umbi. Pele eco ciyanza, eco ciyanza cakabunga, lino Nda cibona mpoonya awa. Nse kazi mane lino. Elyo mbo mbubo.

155 Leza waka syomezya Eva wakumuuya, mbubonya mbuli Mbwa kacitila Eva wakunyama, cakuti Ijwi liyo boozegwa kuli nguwe. Ku mazuba akumamanino Uyo boozya ku Mbungano, ku Ijwi taanzi alubo.

156 Lino amulangisisye kabotu loko. Ndi—Ndi yanda kuti mube masimpe lino. Leza waka syomezya Eva, kuti ciindi ciyo boola Ijwi neliyo boozegwa kwiinda ku Lunyungu lwakwe. Eli Ijwi, Lwalyo, inga liyooba Lunyungu. Elyo cindi niba kamupa ciiminina, waa kajatilila ku ciiminina ceeco. Elyo cindi Ijwi nilya kasika kuli nguwe, ncenzi nca kalino cita? “Nse ciyandi.” Cakali bombede maningi. Tii cakaboneka kabotu, kuli nguwe. Tee cakalondwedwe kapati. “Ii cimpatu? Oh, ma! Ma! Ii mulombwana mbuli oyo, waata jisi buzuba mu cikolo? Ee, Nse kakonzya ku citambula eco. Oyo tali Mesiya. Ii mulombwana uulekela balombwana ku mubbompa koonse mbuli boobo, elyo mpawo ku mwiita kuti ‘Mesiya’? Ku balekela kubikka kalembu ku busyu bwakwe, mpawo ku muuma aa mutwe? Elyo wa kaliita ku Musinsimi mwini, Musinsimi wini, waka busigwa?”

157 Mukasimpe, tee bakazi basinsimi. Jesu wakaamba boobo. Wa kati, “Ikuti nimwa kalibazi basinsimi, ni mwaka Ndi ziba.” Mbo mbubo.

158 Lino amubone. Pele cindi Ijwi nilya kasika kuli nguwe, mu nzila, mbubonya buyo nzila Leza mbwa ka Ca amba kuti ciyo boola; waa ka Ci mvwisya munzila imbi. Nda ambaula makani a nabwiinga, nabwiinga wa Cijuda, nabwiinga wa Cihebrayo. Oyo wakali Eva, kukutalika. Mpawo cindi Na kayutuka awa, ta ka Ci yanda. Waa kayanda kukkala a ziiminizyo zyakwe.

159 Lino, Leza waka syomezya Eva wakumuuya, ku Pentekoste, ka caamba akwalo kacitana citika, myaka ili myaanda yone mbungano kaitana sola kuwa, kuti bayoowa, alimwi inga bayo cita eco ncoba kacita. Pele, Wa kasyomezya, ku mazuba aakumamanino kuti Uyo tuma Ijwi alubo.

160 Jesu wakaamba cintu nciconya cindi Na kali aa nyika; kuti Uyo Li tuma lubo. Elyo ino li. . . Ino Liyo jana nzi? Liyo jana cintu nciconya nco Lya kajana cindi Ni lyakasika lutaanzi. Nconzyo. Ba ka jana. . . Ba, ba yanda ciiminina cabo. Ba yanda kabungwe kabo. Ba yanda buzumini bwabo bwabukombi. Ba yanda kupona nzila njionya njo bayanda. Alimwi bayanda kuti, “Ee, Ndime *Niini-a-niini*. Ndi zulilwa kuli *Niini-a-niini*.” Ta cibambi lwandaano kuli ceeco Leza nca cita, kunji obo Mbwali yubulula Mwini; Ula konzya kubusya bafu; Wa kali kukonzya kuziba tuziye twa myoyo; Wa kali kukonzya kucita zintuzyonse ezyo Bbaibbele nzolya kaamba kuti Uyo cita. Eco ta cibambi lwandaano noluceya. “Ikuti na ta ciswaangene a kabunga kangu, takukwe cintu kuli Ncico.” Mwabona?

161 Cintu nciconya oyo nabwiinga wa Cihebrayo nca kacita, mbo mbubo, mwabona, ba kaswiilila ku ciiminizyo cabo. Elyo Leza waka basyomezya cini. Elyo cindi cini nica kasika, tii baka Ci yanda. Ca kali cibombe maningi.

162 Lino nciitu nciconya asunu, cindi—cindi Ca buka aa cilao. Lino, Leza wakati, muli Malaki 4, kuti Uyo tuma Mulumbe ku mazuba aakumamanino, uyo boozeyya. Joeli wakati, “Njo boozeyya myaka yoonse.” Zintuzyonse ezyo Rome nziyakalya do, a zintuzyonse ba Methodisti nzoba kalya do, a zintuzyonse ba Baptisti nzoba kalya do, kuzwa ku mutabi oyo mutaanzi wa pentekoste, Leza wakati, “Njo boozeyya ku buzuba bwamamanino.” Mbo mbubo.

163 Elyo Ula konzya kutuma muntu uli boobo uya kuba. . . I cintu biyo eco Leza nkwaka sola kutuma Ijwi Lyakwe kwakali ku musinsimi, kutali basilubambululo; ku basinsimi. Tii lyakali lya oora lyawo. Lino ci i. . . kuba oora, alimwi nke kaambo tula lilangilila kuboola. Liyooba libombe a lya buuya maningi! Elyo aboobo. . . Oh, ma!

164 Nywebo muyeeya kuti ba Methodist, Baptisti, a Presbyteria, Pentekoste, bakazyalilwa mu bulemu inga basola kuyo citambula?

“Oh,” nywebo mwati, “Ba Pentekoste?”

165 Iba Pentekoste mbana Laodikeya. “Bavubide, abata bulide zintu.”

166 Lya kati, “Yebo tozyi kuti uli mucete.” Inga kaali mayake amadollar ali mamilioni, pele mucili bacete, bacete kumuuya.

“O,” yebo wati, “Nda Li bona lyoonse.”

“Uli moofu!”

“Ee,” yebo wati, “lelekwe Leza, Ndili vumbilidwe.”

“Cinswe!”

“Ee, Ndili masimpe ku balombe besu. Tuli jisi maseminari. Tu. . .”

<sup>167</sup> “Elyo kuta ciziba.” Lino eco cili buyo mubumbi. Lino, ikuti na Bbaibbele lyakati Mbungano ya Laodikeya iyooaba mu ciimo eco. . .

<sup>168</sup> Alimwi taakwe muntu aa nyika ukonzya kukaka kuti obu tabuli bukkalo bwamamanino, nkaambo, Bukkalo bwa Mbungano ya Laodikeya, na bukkalo bwa mbungano bwaciloba. Elyo, mpawa mpo tubede, myaka ili zyuulu yabili iili muku cimanizya. Ta kucikwe makkalo aa mbunga. Ako nke kaambo nywebo nobakwesu Bamvula Ncaalizi tii mwaka talika kabunga kambi. Ta kukabi bumbi. Mbo mbubo. Buli kumamanino. Ameni. Takukonzyi kuba makkalo ambi. Akamana oonse.

<sup>169</sup> Pele mpawo ikuti na mulumbe wa pentekoste wakali mulumbe wamamanino. . . Yalo, kululamikwa, kusalazigwa, lubbizyo lwa Muuya Uusalala, milumbe yotatwe yamamanino, ziimo zya makkalo ambungano otatwe aamamanino Nkuzyalwa kumaninide.

<sup>170</sup> Mbuli buyo cindi mwanakazi nali mukuba, naya kukuzyala muvwanda wakwe; cintu cini citaanzi kucitika meenda, cintu citobela mbulowa, cintu citobela mbuuni.

<sup>171</sup> Cindi niba kajaya Jesu aa ciingano, cintu cakazwa ku mubili Wakwe, ku kupanga cipya. . . ku kubamba i—i Kuzyalwa. Ba kayasa lubazu Lwakwe, Bulowa a meenda zyakazwa, alimwi, “Mu maanza Angu Nda abila Muuya Wangu.” Eco cakazwa ku mubili Wakwe akali meenda, Bulowa, Muuya.

<sup>172</sup> Lino, Johane Mutaanzi 5:7 ila mwaambila makani aceeco, “Kuli zyoatwe zipa bumboni ku Julu, Taata, Ijwi (uli ngu Kristo,) a Muuya Uusalala.” Elyo ezi zyoatwe zila zuminana muli comwe; tazili comwe, pele zila zuminana muli comwe. Elyo kuli zyoatwe zipa bumboni. . . Na, “Zili comwe,” Nda amba. Nda lubizya alya. “Elyo zyoatwe zipa bumboni mu nyika, alo meenda, Bulowa, a Muuya, nkabela zila zuminana muli comwe.”

<sup>173</sup> Ula konzya kusalazigwa kakutakwe kululamikwa. Alimwi ula konzya kululamikwa kakutakwe kusalazigwa. Ula konzya kusalazigwa kakutakwe kutambula Muuya Uusalala. Obo mbombubo.

<sup>174</sup> I basikwiya, muli Johane 17:17, baka salazigwa a kupegwa nguzu zya kutanzia madaimona, pele nekubaboobo tii baka jisi Muuya Uusalala. Mwabona? Masimpe. Bakacita kuunka kutala ku Pentekoste, a kulindila mane Muuya Uusalala wakasika.

<sup>175</sup> Mpe mpawo Judasi mpaka tondezya bube bakwe bwini. Mwabona obo Muuya oyo mbo wakabeleka nzila yawo kwiinda mu kululamikwa, kusalazigwa? Pele cindi nicakasika

kumamanino, wa katondezya bube bwakwe bwini. Mwabona? Mbo mbubo.

<sup>176</sup> Lino amubone, lino, elyo mpaawa tuli ku ciindi camamanino. Elyo Eva wakumuuya, mbuli nati- . . . mbuli Eva wa Cihebrayo waka syomezegwa, nabwiinga wa Cihebrayo waka syomezegwa kubweeda kwa Ijwi. Elyo nabwiinga wakumuuya kuzwa ku Pentekoste, cindi na kawa ku Nicaea, mpawo waa kasyomezegwa mu mazuba akumamanino kuti Ijwi liyosika alubo. Lino yebo wati, mpawo . . .

<sup>177</sup> Mu yanda Lugwalo lumbi, kutola kusika awa, Ciyubunuzyo 10. Elyo kati, “Ku oora, ciindi ca i—i angelo wamamanino, angelo waciloba (mutumwa waciloba) akutalika kulizya, maseseke aa Leza anomanide.” Mwabona? I kuboozezya kujokela ku Ijwi! I Bbaibbele lya kati oyu mutumwa waku mazuba aakumamanino uyooba, “Ku babozezya ku Lusyomo lutaanzi alubo, kujokela ku Lusyomo lwa matata.” Pele sa muyeeya kuti baya Kuu tambula? Peepe, munene. “Mazuba aakumamanino, Uyo boozezya Ijwi taanzi alubo,” mbuli Mbwa kaamba muli Malaki 4.

<sup>178</sup> Pele waa kali sweekeledwe. Lino, waa kaswekelwa eelyo Ijwi ku Nicaea. Eva wakaswekelwa mu Edeni; Eva wakakaka zyakwe ku Kalivari. Elyo nkamu yaku Nicaea ila Li kaka ku mazuba aakumamanino, mbubonya buyo. Ma!

<sup>179</sup> Pele cindi Ijwi nilya kasika mu mubili wabuntu, walo, Eva, mbungano ya Cihebrayo, banyina wa boonse bapona kumuuya ku ciindi eco, waa ka Li kaka. Wa kali fwide maningi, mu tunsiyansiya twakwe a tuyanza twabuzumini, cakuti waa ka Li impya. Mbubonya a wooyu umwi, ncobeni. Yaa.

<sup>180</sup> Baka Mwi impya, Ijwi lipona lyaka yubununwa mu mubili, kwiinda ku Ijwi lya kasyomezegwa. I Ijwi lya kasyomezya kucita zintu ezi. I cisyomezyo cakabambwa, kuti ciyooba obu ku mazuba aakumamanino. “Mbuli mbo cakabede mu mazuba akwa Sodoma, mbubonya mbo ciya kuba mu Kuboola kwa Mwana wa muntu.” Lino amulangilile eco cakacitika ku Sodoma. “Mbubonya mbo cakabede mu mazuba akwa Nowa, mbo mbubo mbociya kuba mu kuboola kwa Mwana aa muntu.” Mwabona? Amulangilile eco cakacitika kaindi. Mwabona? Lino, Wa ka caamba kuteeti ciyooba cintu nciconya, nkabela tu pona mu buzuba obo. Ee, inga bwaba, Nda yeeyela, Nda konzya kubweza zisyomezyo zili myaanda ili cisambomwe yazyo mbuli zeezyo, kuzwa ku Lugwalo, kutondeka buyo kuli ncico. Mwabona? Lino, pele, baka Li kaka.

<sup>181</sup> Waa kajisi ku tunsiyansiya a ciiminina, mu cibaka cai—i . . . Wa kajisi ku bulowa bwa ciiminizyo, mu cibaka ca Bulowa bwini. Jesu, Ijwi, wakati, cindi ni Lya kayubululwa kuli nguwe, “Nkaambo waa kajisi ku tunsiyansiya otu . . .” Jesu, Ijwi lyaka yubululwa, wakati kuli nabwiinga, nabwiinga wa Cihebrayo,



“Nkaambo kakuti ujisi ku tunsiyansiya twako, wacitya Ijwi lya Leza kubula nguzu noziceya kuli nduwe. Tali konzyi kubeleka.”

<sup>182</sup> Lino ako nke kaambo asunu, kuti, i—i lubukulusyoo lwaatubungwe. Ta tunaba a kukopwa kwini. Peepe, peepe, peepe. Peepe, munene. Muta yeeyi kuti tuli jisi lubukulusyoo. Ta tujisi. Oh, bali jisi mamembala ambungano ali mamiloni a mamiloni a mamiloni, pele kutali lubukulusyoo kumwi. Peepe. Peepe.

<sup>183</sup> I—i Nabwiinga tana bedo aa lubukulusyoo pe. Mwabona? Taku naba lubukulusyoo okuya, kwiina kutondezegwa kwa Leza kwa kunyanyamusya Nabwiinga pe. Mwabona? Tula lulangila lino. Kuyo tola Mizuzumo eyo iitazizilwe ili ciloba kusule okuya, ku kusinsimuna Nguwe alubo, mwabona. Inzya. Uyo cituma. Wa ka cisyomezya. Lino amulangilile.

<sup>184</sup> Lino, waa kali—wa kali fwido. Elyo lino ikuti na mabungano akonzya kuluba buzumini bwayo bwabukombi, akuluba tuyanza twabo twabusyomi, a kubweza buyo Bbaibbele, kukombelela cisyomezyo, mpawo inga caboola kubeleka kuli mbabo. Pele, mwabona, Jesu wakati, “Nywebo, a tunsiyansiya twanu, mwabamba Ijwi lya Leza kuta beleka kuli ndinywe.” Ee, eco ncintu nciconya asunu kuli Eva wakumuuya, mwabona, nabwiinga wakumuuya wa sunu, uutegwa, mbungano. Ula bweza Ijwi la Leza, nkabela ta Li zumini. Elyo ula zumina tuyanza twabuzumini, mu cibaka. Nkikaako, Ijwi tali beleki kuli nguwe, mwabona, nkaambo walo usoleka kunjizya buzumini bwakwe bwabukombi antomwe a Ijwi, nkabela tali kabeleki. Lino, cintu nco tuyandikana sunu. . .

<sup>185</sup> Ndi zumanana buyo kubala eci awa, *Kwaambilizya kwa Kuboola Kwakwe*, aa mitwe ya makani, “Tu yandikana musinsimi kubweeda! Tu yandikana musinsimi kubweeda!” Alimwi Nda yeeyela, cindi abweeda, taba kazibi kujatikizya ncico. Buyo. . . Mbu mbubo. Cakali munzila eyo lyoonse, nywebo mwabona. “Tula muyanda,” zintuzyonse nzo mukanana, “tu yandikana musinsimi kubweeda, uyo leta Ijwi lya Mwami, acamba. Tula syoma kuti Bbaibbele lyaka cisyomezya.”

<sup>186</sup> Lino, Ndi lizi Mukwesu—Mukwesu Moore a bamwi, balaya mu ng’anda yakwe, a zintuzyonse zimbi, mulembi. Alimwi walo muntu uli kabotu kapati oyo—oyo weendela mu mabbusu aacikutu, Nda yeeyela, umwi wa balombwana bali kabotu kapati. Pele, mwabona, ulizi kuti tweelede kuba a ceeco. Elyo Mucizi Moore, umwi wa banakazi bali kabotu kapati, muubauba. . . muntu muubauba utakweankwaya, nkabela bala tuula.

<sup>187</sup> Alimwi eelyo ndimwi lya mapepa mabotu loko mu mulimo, mu kuyeeya kwangu, ndya *I Kwaambilizya kwa Kuboola Kwakwe*. Pele mula jana, bazumanana koopolola kuti, “Tu

yandikana musinsimi! Tu yandikana musinsimi!” Mwabona? Ma! Eco ncoba bandika.

<sup>188</sup> Elyo mpawo mpaawa mpotubede, sunu, ambuli jilo a sunu, kwambilizya aa redio, kuti . . . a mabungano aa Baptisti aamwi ambi, kuti, “Ta tweelede kunjilana a bana Katolika, pele tweelede kubaanga kuba a luswanano a mbabo.” Mwabona?

<sup>189</sup> Elyo mpoonya awo, Mulumbe uyabuya mpoonya awa, ku, “Amu tantamuke ku cintu eco cikola!” Mwabona? Mwabona? “Mbobuti bobilo mbo bakonzya kweenda antoomwe citakuti bazuminana?” Mumuni a mudima tazikonzyi kuswaanana antoomwe. Cindi Mumuni wanjila, mudima ulazwa. Mwabona? Tau konzyi . . . I wanguzu maningi! To konzyi kuziwaya Mumuni, kubelesya mudima. Pele ula konzya kumwama mudima, kubelesya Mumuni. Mbo mbubo. Elyo Ngooyu Mumuni, alimwi Walo ndi Ijwi. Mwabona? Lino, mpaawo we, kujokela kusule cigaminina. To konzyi ku Li bamba kubeja na kucita cimwi cilubide. Lila jokela kusule cigaminina ku kasena alubo. Iyi, munene.

<sup>190</sup> Mbuli buyo mulombwana umwi utalika, kusola kukwankana a nduwe; ikuti na ulizi awo mpoimvwi, ulizi eco nca syoma.

<sup>191</sup> Cili buyo mbuli kubweza kasulwe a ku kaangulula mu cimpati, nkabela mwasinka mpako yoonse. Koima buyo ku mulyango; keelede kujokela. Nku koonse kuliko kuli ncico. Wa muyakila mukati. Mwabona? Uyo jokela ncobeni ku mulyango alubo, nkaambo eyo nje nzila ilikke njo kakakonzya kuzwida. Kayo sondezya mutwe wako kwiinda *awa*, a kutandila kutyola nsingo yako; a kwiinda ko *kuya*, ko *kuya*. Koima buyo a kuka langilila, nkabela kayo jokela ncobeni. Mwabona? Kwa mana.

<sup>192</sup> Eyo nje nzila ilikke yakucita. Amu kkale a Ijwi eelyo. Inga mwaampolola koonse, a buzumini bwanu bwabukombi, muyo tyola buyo nsingo yanu koonse, pele weelede kujokela ncobeni ku Ijwi eeli. Mwabona? Iyi, munene. Nkukoonse kwa Ndilyo.

<sup>193</sup> Lino, mwabona, taba—taba—taba—taba Li yandi. Taba yandi Ijwi lya Leza. Nkaambo wa kajisi ku tunsiyansiya twakwe, waa kabamba Ijwi lya Leza kuzwa kukubula nguzu.

<sup>194</sup> I mbubonya lino, ali Eva wakumuuya. Ta yandi . . . Walo uyanda kubamba tunsiyansiya twakwe, a kuzwa ku Ijwi lya Leza. Walo uli jisi alimwi ku tubungwe, a buzumini bwabo bwabukombi a tunsiyansiya twa baalu bakwe, mu cibaka ca kubweza Ijwi lya Leza.

<sup>195</sup> Elyo cindi cisyomezyo ca Ijwi, ku mazuba aakumamanino, caletwa kuli nguwe, taka Li tambuli, nkaambo, aku tunsiyansiya twakwe, mbuli nabwiinga wa Cihebrayo mbwa kacita. I Ijwi lini, nekubakuti lyayubululwa, tondezegwa, simpikizigwa, ta ka Li tambuli. Nkaambonzi ta kaciti? Nkaambo nceeco cikozyanyo cakwe. Ta konzyi kucicita. Mbo mbubo. Ta konzyi kuzunda cikozyanyo cakwe. Mwabona? Alimwi cakaambwa kumbele kuti

uyo cicita, aboobo mbobuti mbo muya kutantamuka ku cintu cili coonse?

<sup>196</sup> Lino cintu biyo cakucita nku kkomana buyo kuti uli mukati. Kwa mana. Kamu cilindila. Ncibotu.

<sup>197</sup> Leza wakasyomezya, ku mazuba aakumamanino, kuteeti Uyo yubulula a kusimpikizya Ijwi Lyakwe kuli nguwe, elyo nekubaboobo ta kaciciti. Koonse oko, Leza waka musyomezya, kwiinda ku balanda Bakwe, basinsimi. Leza wakasyomezya, kwiinda muli Jesu Kristo. Leza wakasyomezya, kwiinda muli Joeli. Leza wakasyomezya, kwiinda muli Paulo. Leza wakasyomezya, kwiinda muli Malaki. Johane... Leza wakasyomezya, kwiinda muli Johane sikuyubununa, basinsimi boonse, mbubonya buyo eco Mulumbe wamamanino mbounga uyooba kuli nguwe. Lino, ikuti na muyanda kwaalemba; mubwini, nyoonse mulaazi: Jesu, Johane 14:12; a Joeli, Joeli 2:38; Paulo, Timoteo Wabili 3; Malaki, cipati ca 4; a Johane sikuyubununa, Ciyubunuzyo 10, seveintiini, wani kusika ku seveintiini. Mwabona, mbubonya eco cinga ciyo citika lino! Elyo, ku mbungano, ino Lili buti? I Ijwi lyalifungula kuba mu mubili aakati ka bantu alubo! Mwabona? Elyo taba Li syomi buyo.

<sup>198</sup> Nywebo mulizi eco Jesu nca kaamba cindi Na kabona Wa... cindi Na kacita maleele kumbele lyabo, a kutondezya kuti Wa kali Leza na? Katondezya boobo, eco Nca kali kucita. Mbwa kabede. Wa kacita mbubonya. Wa—Wa kati kuli mbabo, Wa kati, “Oh, yebo, Kapenaumu, oyo wakali sumpwida ku julu, ikuti na milimo yaka... milimo yanguzu niya kacitwa mu Sodoma, eyo yaka citwa muli nduwe, niyali kwiimvwi asunu.” Mbo mbubo. Elyo mu Kapenaumu, Taakwe nakacita cintu cita kuponya bantu bace, a ku baambila tuziye twa myoyo yabo, a kweenda kuzwa. Uh-huh. Kwa mana. Mwabona?

<sup>199</sup> Taba zyi milimo yanguzu mboi bede. Ba yeeya kuti akali mabambe mapati ncobeni oko bantubonse nkoba buka, nkabela mubetesi wabamba bukanazi, alimwi—alimwi nkamu yalizya, a mibala kaimweka, alimwi i—i banakazi basamide kabotu, alimwi babo... alimwi kulindila, alimwi oonse ma Ph.D, LL.D, a ngowani, zilamfu zipati, a makkola kanyonywedwe, a zintuzyonse, boonse bayo enda kunjila. “Eco ncintucimwi cipati.”

Leza wamba kuti, “Obo mbufuba.”

<sup>200</sup> Elyo Walo ubusya cintucimwi ciniini eco citazi lwandaano ndiza akati kama ABC, nokuceya, a kucita cintucimwi eco cibikka buyo Mbungano ini amulilo. Elyo bamwi babo balati, “Ti cikama ca babumbulusi basalala.” Leza wiita *Eco* kuti “ncipati,” a inyika i Ciita kuti “mbufuba.” I inyika iita eco kuti “ncipati,” a Leza wiita eco kuti “mbufuba.” Mwabona, mubumbi buyo.

Mwabona? Alimwi cintu eco Leza nca kasyomezya, Leza uyo alimwi wacita. Mwabona? Mpaawa mpo tubede.

<sup>201</sup> Lino, nekubaboobo, walo ucili mbwa kacita, Eva wa Cihebrayo. Ta kaciciti buyo. Inga wabusya bafu; inga mwabona Muuya wa Leza. Jesu wakaseluka, wakali simpikizya Mwini kuba Mwana wa Leza. Lutaanzi, Wa katalika kukambauka. Ee, ba kayeeya kuti, “Ee, musyobo wa Mulombwana ubaanga ulagambya. Walo Nguni, kai?” Ee, cintu citaanzi nywebo mulizi, bantu bakatalika kwaamba . . .

<sup>202</sup> Mubwini, baka laambide, kale, cindi sikusolola Wakwe nakasika, Johane, ba kati, “Sena nduwe Mesiya?”

<sup>203</sup> Wa kati, “Peepe. Pele Uli imvwi akati kanu amwi.” Uh-huh. Mwabona? Nkaambonzi? Wa kalizi, cindi mulumbe wakwe niwa kacitika, eco nca keelede kucita. Wa kalizi eco nca kali kuyo cita.

<sup>204</sup> Mbuli buyo Nowa mbwa kazumanana kulanga Enoki. Cindi Enoki nakaunka, Nowa wakati, “Ncibotu kuswena ku bwaato. I ciindi cilafwaafwi.” Nowa wa kazumanana kulanga Enoki. Mwabona?

<sup>205</sup> Elyo Johane wakalanga ku citondezya eco Jesu nca kamwaambila, na Leza nca kamwaambila, ku langa. Wa kati, “Uli imvwi mpoonya awa lino, amwi akati kanu. Nse Mu zyi pe, pele Ndila Mu ziba.”

<sup>206</sup> Kaimvwi alya, ba kati, “Sa toli Mesiya?” Wakati, “Twa tumwa kuzwa ku masena aendelezya.” Uh-huh. Kati, “I baalu, a boonse, ba tutuma kunselelo okuno. Ikuti na nduwe Mesiya, nkaambonzi to yutuki a kuliyubununa kutala okuya, kutali kunselelo okuno mu cikama eci ca zintu kunselelo okuno! Weelede kuyutuka kutala okuya a kuliyubununa omwini.”

<sup>207</sup> Wa kati, “Ta ndili Mesiya.” Wa kati, “Ndili jwi lya umwi lyoompolola mu nkanda.”

<sup>208</sup> Eco cakainda kule atala lya mitwe yabo mbuli mbo cakali kukonzya kuunka. Tiiba bakazi cintu kujatikizya ncico, mwabona, kakuli boonse bakali ku mulangila kuboola. “Pele taka konzya kuba mulombwana mbuli oyo. Oh, ma, eci nicakaba cibyaabi!”

“Ino uzwa ku cikolo nzi?”

“Taakwe.”

“Sena uili jisi kkadi lya luswaanano?”

“Ino ncinzi?” Mwabona?

<sup>209</sup> Wa kananikidwe aa Leza. Wa kati, “Kuli cintu comwe Nce jisi. I kaleba kali bikidwe kumuyanda wa cisamu.” Lino, nkukoonse nkwa—nkukoonse nkwa kajisi. Wa kaambaula mu bwaambe bwa sigani, kutali mu bwambe bwa mupaizi; bacipile, a tuleba, a masamu, azimwi zimbi. Ta—ta kaambaula mu bwaambe bwabupaizi.

210 Pele Jesu wakati taakwe nikwakali musinsimi wakali mbuli nguwe. “Kwiina mwaalumi waka zyedwe ku mwanakazi, mbuli nguwe, mane buzuba bwakwe.” Mbo mbubo. “Wa kali kwiindilila kukuba musinsimi.” Wa kali mutumwa wa Cipangano, wakaima mpoonya kati ka i—i mabanze obilo, akali kunjila. Mwabona? “Kwiindilila kukuba musinsimi.”

211 Elyo aboobo mpawo—mpawo tii bakazi. Tii baka muvwisya. Wa kali musyobo wa mulombwana ubaanga ula gambya, aboobo baka mutanda, mwabona.

212 Mpawo cindi Jesu nakasika, mpawo, alimwi masimpe niba taka Mu zumina, oyu Mulombe wa mubezi, taakwe nikwakali cintu mbuli ceeco, zina bbi kunze lya Nguwe, wa “musokwe.” Elyo, Walo, niba taka mubona Mulombwana mbuli boobo.

213 Pele, pele amulange eco Leza nca kacita. Wa kabweza bazeli, batayiide, bacete, basigani, balimi, a bavuule, akulekela balemekwa kukkala alya. Nkaambonzi? Ncinzi? Nkaambonzi Nca kacicita? Nkaambonzi Nca citila cintu cili boobo? Sa inga mwaezeezya? Nkaambo kakuti bantu baka Mu ziba kuba Ijwi. Lino atu balangilile buyo asyoonto buyo.

214 Ngooyu muzeli mudaala uutakwe luzibo, takonzyi kulemba zina lyakwe. I Bbaibbele lyakati wa kali “utakwe luzibo a utayiide.” Walo uleta nswi kutala a kuzi kkazika ansi. Ulaselemuka okuya a kubona eco coongo eco coonse nco caamba. Pele kuni kwini muli nguwe, wa kalizi kuti Bbaibbele lya kaamba kuti Mesiya. . . Boonse Bahebrayo bakali kulangila Mesiya, nkaambo kwa keelede kuba cintu Calugwalo cindi Na kasika.

215 Kwakali bamesiya banji, bakabuka a kuti, “Nde Ndime,” akuba sololela kukuleya, ku myaanda, a—a kuloba a zintuzyonse. Pele, mwabona, oko kwakali kwa kuleesya Umwi wini cindi Lya boola.

216 Twa kali jisi zikobela a mabbaki aba Eliya, a zintu zyoonse zimbi, pele eco—eco—eco—eco caka leesya buyo cintu cini cindi nasika. Mwabona? Mbo mbubo. Misyobo yoonse ya bantu baka sama zisani a magemesi, nkabela zya kazikkwa mu misyobo yoonse ya mikkame inyonedwe, a zintuzyonse zimbi. Eco taci. . . Eco—eco cisimpikizya buyo. Mbuli dollar yabubeji, itondezya kuti kuli imwi yakasimpe kumwi, ikuti na ula konzya kwiijana. Mwabona?

217 Aboobo ngooyu Wa sika. Lino aba balemekwa bakayutuka, elyo bakali boobo aa ciiminizyo cabo! “Baa,” ba kati, “lino, ikuti na Mesiya wasika, Uyo sika ncobeni kuli Kayafasi. Uyo boola ku kabungwe kesu. Uyo boola kuba Farisi.” Iba Saduki, “Eco nco muyeeya! Uyo boola kuba Saduki.” Elyo mbaabo mbo bakabede, mwabona, cintu nciconya ncoba jisi asunu, lino.

218 Pele cindi Na kaboola, cakali ceenzu. Uyo boola, oh, kwimpana maningi kuli ceeco ncoba kali kuyeeya, pele Wa kaboola kweendelana ku Ijwi. Elyo tii bakalizi Ijwi.

219 Anda ambe ceeco, kasimpe, kutegwa muu . . . ciyo mvugwa kusakana. Ndi yanda ceeci kucimvwa. Eelyo ndepenzi kuli ndinywe sunu, mwabona, tamu lizi Ijwi! Mwabona?

220 Jesu wakati, “Mula konzya kuziba busyu bwa milengalenga, pele zitondezyo zya ciindi tamu konzyi kuziba.”

Kati, “Tuli jisi Musa.”

221 Aboobo, wakati, “Ikuti nimwa kamuziba Musa, nimwa ka Ndi ziba.” Tii baka muzi Musa, elyo nkikaako tii bakazi. Ba kazi buyo buzumini bwabukombi obo bwa kakonkolwa.

222 Lino atu bweze oyu muzeli mudaala. Wabikka cisuwo cakwe ansi. Kakwelela ansi cilezu cakwe camvwi, kuselemuka, “Nda syoma Nda Mu bona mbwabede.”

223 Mukwesu wakati, “Koboola. Atu selemuke awa.” Kati, “Oyo ngo Mulombwana nguwenya. Oyo ngo Mulombwana ngoba kaamba buzuba bumwi . . . Nda kakkala busiku boonse a Nguwe busiku bwainda. Nywebo mulizi Johane, Nda kali kwambaula kuli nduwe aamakani?”

224 “Inzya, oyo muntu wa mu nkanda kunselelo okuya! Inzya, Nda kamvwa kujatikizya nguwe.” “Ee,” Simooni mudaala, nywebo mulizi, wakati, “Nda kamvwa kujatikizya nguwe kunselelo okuya. Inzya, kali kunselelo okuya, myeezi yobilo na yotatwe yainda, kunselelo okuya. Iyi.”

225 “Ee, wa kati . . . Elyo buzuba bumwi wa kaliimvwa alya, wa kaamba cintu cigambya. Wa kati, ‘Nywebo mulizi, ngooyu Wa boola ncobeni lino!’ Ba kati, ‘Mbobuti mbo zyi?’ Langa ko kuya; Mulombwana walyonse buyo kaimvwi alya. Wa kati, ‘Nda bona Muuya wa Leza, mbuli nziba, kauseluka. Nda kamvwa Jwi ka lyaamba kuti, ‘Oyu ngo Nguwe. Oyu ngo Mwana Wangu uuyandwa muli Nguwe mwe Nko ndelwa kukkalamo.’” Mpawo wa keenda moonya mu meenda a ku Mu bbizya, abumwi. Ee, akuya, wa kati waka Mu ziba.”

226 “Oh, Ta ndizi,” Simooni wakaamba. “Nda kamvwa koonse kwa ceeco, ziindi zinji.” Pele ngooyu wa libonya. Pele kungsi lya moyo wakwe mwakali mbuto ya kakanzidwe. Mwabona? Jesu wakaamba boobo. Nconzyo. Wakeenda kumbele kuli Nguwe. Wakeenda kumbele. Wakati, “Nda unka kunselelo ku muswaangano kuyo bona.” Wakeenda kumbele okuya.

227 Jesu wakali imvwi alya, Mulombwana buyo muniini walyoonse. Wakaya kumbele. Wa kati, “Baa, zina lyako ngu Simooni. Alimwi zina lya bauso lyakali Jonasi.” Eco caka mupopolola. Nkaambonzi? Eyo mbuto, niini ya Buumi Butamani yakauma omuya. Iyi, munene.

228 Wakati, “Lindila aniini! Cili buti eco? Tona ndibwene. Akwalo Toka bazi bataata, nkaambo bakafwa kwa myaka. Pele mpaawa Wa boola, wandaambila eelyo na? Lino, Ndi lizi Bbaibbele lyaamba. . .” Lino, oko takuli kujokela kuli ceeco mwaalu ncaamba. “Pele Bbaibbele lyakati Mesiya uyooba Musinsimi. Ngooyo Mbwa bede. Ngo Nguwe.”

229 Buzuba bumwi Wa kaina mu Samaria, kaselemuka kwiinda okuya a nkamu yaba Juda. Wa kabasiya. Elyo oyu mwanakazi, wampuwo mbi wakayutuka, ndiza mulindu muniini mubotu, nywebo mulizi. Elyo waa katandilwa aa tugwagwa, mbuli kana. Elyo waa kali kwiinda okuya. Ndiza waa kali kuyeeya makani a cintucumwi. Waa keenda kumbele okuya a kubikka bbakete ansi. Elyo waa katalika kulosya caku guja, nywebo mulizi, ku kuteka meenda. Elyo waa kamvwa Muntu kaamba kuti, “Ko Ndi letela akunywa.” Waa kalanga koonse, nkabela mpaawo kwa kakkede mu Juda wakukomena kwa katikati.

230 Waa kati, “Yaawe, sa Toli mu Juda? To elede kucita ceeco. Ta cili cilengwa kuli Nduwe kwaambaula kuli ndime. Ndili Musamaria.”

231 Wa kati, “Pele ikuti wali muzi Oyo ngo kananina, inga noleta. . . inga niwa Ndi lomba kukupa akunywa.”

232 Kati, “Lili kuli bbakete Lyako?” Mwabona? “Ili kuli ntambo Yako?”

“Ee,” Wa kati, “Meenda ayo Ngepa Mbuumi.”

233 “I nzi?” Mwabona? “Baa,” waa kati, “baa, nyoonse muyanda ku kombela ku Jerusalemu. Alimwi bamatata besu bakombela. . .”

234 “Oh,” Wa kati, “mbo mbubo, pele,” wakati, “swebo toba Juda tulizi nco tukomba. Pele,” wakati, “yebo ulizi, ciindi cila boola eelyo—eelyo bantu nobata kakombeli ku Jerusalemu na mu dundu eli.” Wa kati, “Bayo—bayo komba Leza mu Muuya, nkaambo Walo Muuya, Muuya a Bwini.” Ee, waa katalika kulangalanga, nywebo mulizi.

Elyo Wa kati, “Koya kalete mulumi wako muboole okuno.”

Waa kati, “Mulumi wangu? Nse jisi naba mulumi omwe.”

235 “Baa,” kati, “obo mbwini.” Kati, kati, “Wakali kupa ciindi a bosanwe, nkabela ujisi umwi wacisambomwe lino.” Elyo wakati, “Wali kujisi bosanwe. Alimwi—alimwi, yebo, yebo ulizi. Waamba bwini.”

236 Amulangilile! Cakali cinzi? Oyo Mumuni wakauma mbuto eyo. Yakali kkede alya, eyo yakaambwa a Leza. Iiyi, munene.

237 I mbuto yakali aa nyika. Cindi Leza naka gusya meenda, nkabela zuba lya kayuuma, yaka sonsa. Mbo mbubo. Mwabona? Nkukoonse nkoya kali kuyanda, lyakali zuba. Yakali kuyanda buyo mumuni. Iiyi, munene.

<sup>238</sup> Elyo mpawo cindi Muuya Uusalala, muli Nguwe, niwakatantamuna buumi bwakwe bwakale, a kucitondezya kuli nguwe, oyo Mumuni waka yuuma. Waa kati, “Munene, Nda Ku ziba kuti uli Musinsimi.” Waa kati, “Lino, tu lizi, Ndili cizyi, kuti cindi Mesiya aboola, mbo mbubo Mbwa yooba. Elyo tee twa kajisi musinsimi kwa myaanda ya myaka. Ta tunabede a musinsimi wa kasimpe, kwa myaanda ya myaka.” Elyo waa kati, “Nzila Mbo ndaambila makani aa mulumi wangu, a kundaambila abo Mbe kajisi, azimwi zimbi. Baa,” kati, “Nse mvwisyi eci.” Kati, “Cindi Mesiya akuboola, ee, Uyo cita ceeco. Pele Yebo Nduwe ni?”

Wa kati, “Nde Ndime.”

Mbo cakabede. Mwabona? Ii muvuule!

<sup>239</sup> Elyo bapaizi bakalanga koonse a kuti . . . Ee, beelede kupa bwiinguzi ku mbunga zyabo. Kati, “Utali cengi a mulombwana oyo. Walo—walo unjidwe daimona. Kwa mana.” Lino, olo ndwandaano. Eco nce cintu nciconya sunu. Mwabona? Cintu nciconya sunu, cilauma mbubonya. Inzya. Iiyi, munene.

<sup>240</sup> Waa, waa kali cizi, nkaambo Mumuni waka Lyuuma. Ba se- . . . Balo bazeli, basigani, balimi, babwezelela mitelo, bavuule, ba kabona muli Nguwe eco Magwalo abubombe nca kaamba kuti Uyo cita. Elyo ba Farisi teeba kakonzya kubona, nkaambo ka kansiyansiya kabo. [Mukwesu Branham wapumuzya a kutondezya munzila imwi. Mbunga yavwiila mukuzumina—Mul.] Teeba kakonzya kubona, nkaambo ka tunsiyansiya twabo. Pele sibwaamu, balimi, a boonse babo, baka Li bona, boonse abo baka kanzidwe. Cindi kuzumbauzya kwamwaika, mbuto yaka talika kukomena. Mbo mbubo.

<sup>241</sup> Ncinzi nca kacita? Waa kati, “Ee, Nda kkomana kuti Nda muswaana Mesiya?” Oh, peepe, mukwesu. Moonya mu munzi waa kaunka. Waa kaluba makani aa meenda. Waa kati, “Amuboole, mubone Muntu Oyo wandaambila zintu Nze kacita. Sena eci tacili nce cintu ncoonya Lugwalo ncolwa kaamba kuti Mesiya uyo cita? Sena eci tacili mbubonya obo?” Elyo bantu teeba kakonzya kubona eco cintu nciconya.

<sup>242</sup> Mbuli Jesu Kristo mbwa kaamba, mu Musalali Johane 14:12, kuti ciyo citika alubo. Wa ka camba mwalo muli Luka, cindi Na kati, “Mbuli mbo kwakabede mu mazuba akwa Nowa.” Obo Leza mbwa kaliyubulula Mwini mu Muntu, a kwaamba oyo waali kunze Lyakwe; a ceeco Sara nca kacita, kaseka mu tente. Elyo oonse Magwalo aya, aa Malaki, a amwi, kaambwa kumbele ku mazuba aakumamanino. Bahebrayo 4 yakati, cindi “Ijwi” lya kujokela. Malaki 4 wakati Liyo jokela kwiinda ku muntu. I Bahebrayo 4 yakati, “I Ijwi lya Leza lila tweluka miyeeyo ili mu moyo.”



243 Elyo bala konzya kucibona kacicitwa, a ku citantamuka ncobeni. Tunsiyansiya twabo twa kacisisa a kucibamba kubula nguzu. Ee, tuli aawa ncobeni. Kwa mana. Uh-huh.

244 Nywebo mulizi, Ula konzya kucita cintu nciconya asunu. Inga wasika mpoonya aa cilao a kuleta zintu nzyoonya Nzya kacita kaindi, mbuli Mbwa kaamba kuti Uyo cita. Mwabona? Wa kasyomezya kucicita. Wa kasyomezya kucicita. Alimwi ikuti na Uyo cita cintu nciconya, mutumwa wa Laodikeya weelede kucicita.

245 Elyo mpawo ikuti mbungano ya Laodikeya ya cibona kacicitwa, bayo cita mbubonya mbuli mbungano ya Cihebrayo mboya kacita ku matalikilo. Um-humu. Takukwe makani mbo Ci simpikizigwa kabotu, oh, inga ba cicita, nekuba. Oh, ma!

246 Lino, Lya amba kuti ciyo cita. Kuteeti tuyo bweeda ku Ijwi taanzi, aku tondezegwa mbuli mbo kwa kasyomezegwa, kuboozezya Lusyomo alubo, Lusyomo lutaanzi, alubo. Elyo ikuti na Wa kaliyubununa Mwini kuti Walo ukkala aakati ka bantu Bakwe, kwiinda ku kucita zintu ezi; Wa kakonzya akwalo kulekela cifoto Cakwe kukkopwa, kucitondezya munzila yasayaansi. Elyo nekubaboobo taba cisyomi. Elyo kutondezegwa, lekela liso lya muncini wa kkamera ku Mu jata kaimvwi alya, oyo nguwenya Musumpululu wa Mulilo, mbobuca nguwenya, sunu, amuya myaaka, Bahebrayo 13:8, ku kucitondezya kuti ca—nea sayaansi, a nzila zyoonse zimbi, munzila yasayaansi mu zilao zyakumuuya. Mu nzila yoonse mo—mo cikonzya kusimpikizigwa, caka simpikizigwa.

247 Elyo, nywebo mulizi, antela bayo cita cintu nciconya. Antela bayo citantamuka ncobeni a kucita cintu nciconya mbuli mbo bakacita.

248 Oh, Leza tu gwasye! Oh! Tula ima buyo awa. Pele, Leza tu gwasye kubona lino, mupailo wangu, mbuli mbo tuboola lino. Nkaambo, Nse yandi ku mumusya. Leza tu gwasye kubona. Nda syoma ndiza, Muuya aali ndiswe, inga kwaba ndyoonya lino kuti inga Wa tu gwasya kuyubununa, kujula Cinamatizyo eci.

249 Atu bale. Mbuli mbo tubona ciimo ca mbungano moibede, tula bona mpoya kabede, kabona ncoba kacita, kabona mpoya keelede kusika, kwiibona okuya, a kubona eco nco bakali kweelede kucita. Ba kacita buyo eco. Lino mwabona awo mpo tubede na? Amuli betekele. Nse konzyi kubeteka. Ndi jisi buyo mulimo wa kuleta eli Ijwi. Mbuli mbo Ci pedwe kuli ndime, Nda Ci pa. Kusikila Ca pegwa kuli ndime, Nse konzyi ku Ci pa; taakwe umbi ukonzya.

*Elyo cindi na kajula cinamatizyo catatu, Nda kamvwa munyama watatu kaamba kuti, Boola ubone. Elyo Nda kalanga, akubona mbizi iisiya; alimwi oyo waka kkele ali njiyo waka jisi zipimyo zyobilo mu janza lyakwe.*

*Elyo Nda kamvwa i jwi akati ka banyama bone kaliti, Ii kupima kwa whiiti ndi nkobili, a kupima kotatwe kwa bbaale ndi nkobili; pele bona yebo uta nyonganyi mafuta a . . . waini.*

250 Lino, Kabelele ujisi Bbuku mu janza Lyakwe, kanamatula Zinamatizyo. Wa kanamatula cimwi citaanzi, cimwi cabili, a lino Wa namatula cimwi catatu. Elyo mbuli Mbwa cinamatula, Kabelele ula cinamatula, Cinamatizyo Catatu, Munyama wane . . .

251 Lino mbangaye bazi obo Munyama watatu mbwa kali kuboneka? Wakali kuboneka mbuli muntu. I mutaanzi wakali kuboneka mbuli mulavu; umwi umbi wakali kuboneka mbuli moombe, na musune; alimwi umwi watatu wakali kuboneka mbuli muntu, wa kali muntu. Elyo wa kamvwa i—i Cilenge cipona, i—i Munyama. Cilenge Cipona, mbuli muntu, kati kuli Johane, “Boola, bona obo Mbwa bede, aya maseseke aka siswa.” Muciindi kwiinda mu myaka ya lununuko, kuzwida ku malengelo aa inyika, Cakali sisidwe kungsi lya Cinamatizyo eci, eco ciyo citika. Lino, “Boola, langa obo Mbo cibede.”

252 Elyo aboobo Wa ka Ci jula. Ii muzuzumo wakalila, nkabela Kabelele wajula Zinamatizyo.

253 Lino, alimwi Johane wakeenda kumbele, ku kubona obo Mbo ciyooba. Ncinzi nca kabona? Wa kabona mbizi iisiya. Elyo sikutanta wayo waka jisi zyeekelo, na zikkelo, mu janza lyakwe. Lino, eco nce cintu citaanzi nca kabona. Cindi Kabelele naka Ca ambilizya, kanamatula Cinamatizyo, mpawo umbi Munyama . . . Mwabona, balo Banyama bala inzaanya, kujatikizya kwaambilizya, “Boola, bona.” Elyo Jahane, awo mpa kaimvwi, ndiza mbuli *boobu*, we enda kusika awa, cindi Kabelele nakajula, a kweenda okuya. Kanji . . .

254 I muzuzumo ulauma, mbuli mbo twa kabona Cinamatizyo Citaanzi. Elyo ulalangilila kubona eco citola busena. Alimwi ula bona muntu kaboola, lutaanzi, aa mbizi iituba. Ula mulangilila kaselemuka. Elyo muciiindi citobela, Johane wamubona kulaale ku mamanino. Ula mubona kaseluka, aa mbizi yakwe iituba, kajisi buta mu janza lyakwe, alimwi i—i sikutanta kajisi, elyo ta jisi myuumba muli mbubo. Elyo cintu citobela nca bona, walo utambula musyini, katantide kayabuya ncobeni.

255 Mpawo tu jana kuti, mpawo, Kabelele, ngooyu wasika alubo, Ula jula cimwi cimbi. Elyo walanga. Lino mpaawa kwasika ii—ii mbizi iisubila. Oyu muntu waka jisi ceba mu janza lyakwe. Ula inda kayabuya ncobeni mu Lugwalo, mwabona, a ceba eli mu janza lyakwe, alimwi wakali sikujaya a kugwisya luumuno kuzwa aa nyika.

256 Lino Kabelele kajula Cinamatizyo cimbi. Cimwi ca Zilenge zipona, mbuli muntu, cakati, “Boola, bona.” Lino walo wainka

kumbele, kubona eci mbo cibede. Elyo cindi acita, mpawo kwasika sikutanta aa mbizi iisiya.

<sup>257</sup> Lino, busiku bwainda, twa kajana kuti sikutanta nguwenya wakali kweenzya mbizi iituba wakali muntu nguwenya aali imwi iisubila.

<sup>258</sup> Elyo Jwi lyakati, aakati ka Banyama, lyakaita, nywebo mwabona. Mpaawo, kaboola kubona mbo cakabedee: Wa kali mu Zilenge ezi zipona. Alimwi wa kabona eyi mbizi iisiya.

*Elyo cindi . . . i jwi aakati ka banyama bone lyakaita, li mweelo wa whiiti ulaulwa isheleni, alimwi—alimwi myeelo ya bbaale ulaulwa isheleni; pele bona kuti yebo utacesyi i—i mafuta a waini. (Mwabona?)*

<sup>259</sup> Oyu sikutanta, atu mubandike. Ikuti na mulabona sikutanta mutaanzi, obo mbwa kabede. Elyo twa kajana kuti, busiku bwainda, Kumalembe, kuti sikutanta wabili wakali muntu nguwenya ukozyenye, biyo nkuti waka tantide mbizi imbi. Ncinzi cakacitika? Wa kacinca mulimo wakwe. Mwabona? Neonzyo. Twa kajana kuti wakali sikulwanakristo, alimwi wa kacincide cuuno cakwe.

<sup>260</sup> Twa kajana kuti cindi walo, lutaanzi, yakali buyo mbizi iituba, wa kaba njiisyo. Lino, twa josya cimwi acimwi ca zeezi moonya mu Magwalo. Mwabona?

<sup>261</sup> Lino, amulangilile awo mpo tubede, sunumasiku, obo bukkalo bumbi bwa mbungano lino. Mwabona? Tu selemukila ku bukkalo bwatatu bwa mbungano lino. Mwabona? Mbubonya buyo aa bukkalo bwatatu bwa mbungano, buli kozyenye buyo mbuli mbizi yatatu. Mwabona?

<sup>262</sup> Lino, bukkalo butaanzi bwa mbungano, cakali cinzi? Iba Nikolayi baka jisi njiisyo, mwabona, bwalo butaanzi buyo. Yaa. Elyo mpawo, cintu citaanzi tu lizi, eyi njiisyo yaba Nikolayi, yaka zumizigwa camulao alimwi yakali luleme, yakali mu ncito. Elyo baka musamika musyini oyu mulombwana. Mpawo, oyu muuya, sikulwanakristo, wakalifungula mu muntu. Mwabona? Elyo tu jana kuti, nikwakainda kaindi, wa kaba dyabulosi walifungula, awalo; daimona lyazwa, elyo dyabulosi wanjila.

<sup>263</sup> Elyo mbuli buyo mbungano mu musyobo oyo, mbungano ya sikulwanakristo, iyabusumpuka; mbubonya Nabwiinga wakaboola antoomwe a zintu zyandeene: kwiinda mu kululamikwa, kusalazigwa, lubbizyo lwa Muuya Uusalala, a kuzumanana ncobeni, mwabona, buyo mbuli boobo. Biyo, ba katola lubukulusyo lwabo lutaanzi, alimwi Mbungano ili mukutola lwayo lwamamanino. Myaka yayo yotatwe mitaanzi. . . zibeela zyoatatwe zitaanzi zyabo zya kaunka kwiinda mu bukkalo bwa musinze; mpawo catatu, zibeela zyoatatwe, kwalibonya Mbungano; kuzwa ku kululamikwa, kusalazigwa, lubbizyo lwa Muuya Uusalala, muli Leza wakalifungula kuyubululwa aakati kesu. Ngooyu wanjila, mbuli

sikulwanakristo, mbuli musinsimi mubeji, mpawo munyama, mpawo mu bukkalo bwa musinze. Elyo Mbungano yazwa mu bukkalo obo bwa musinze; kululamikwa, kusalazigwa, lubbizyo lwa Muuya Uusalala, Ijwi lyalifungula, nzila lino. Elyo wa selemuka. Uh-huh. Mwa cibona na? Wa selemuka. I Mbungano yainka kujulu. Mwabona? Cili londokede buya mbuli mbo cikonzya kuba. Oh, cila botelezya. Nda ciyanda ncobeni.

<sup>264</sup> Oyu sikutanta muntu nguwenya, pele cibeela cimbi ca mulimo wakwe.

<sup>265</sup> I cibeela citaanzi, mbizi iituba, mwabona, wa kali mwiyi buyo, mwiyi buyo sikulwanakristo. Wa kali kulwana Ijwi lya Leza.

<sup>266</sup> Alimwi lino mbobuti mbo konzya kuba sikulwanakristo? Kufumbwa muntu ukaka kuti Ijwi lyoonse lya leeli talili lyabwini, a kuyandika kuyiisya buyo mbubonya, ngu sikulwanakristo, nkaambo ba kaka i-i-i-i-i Ijwi. Alimwi Walo ndi Ijwi.

<sup>267</sup> Lino, cibeela citaanzi, mbizi iituba, wa kali mwiyi buyo, pele muuya wa sikulwanakristo mu njiisyo yayo a bupange bwayo. Yakanyina kaambo. Tii yakakonzya kunyonganya cintu, mbo kwakaboneka; yaka zumanana buyo. Eyo nje nzila Saatani nja njilila. Oh, walo muyuni mupyungi.

<sup>268</sup> Wa kaambila Eva, kati, “Lino, yebo ulizi uyandaula busongo. Yebo tozyi cibotu a cibi.” Kati, “Lino, ikuti na meso ako akali jukide, niwa kaziba cintu.” Elyo kati, “I mucelo ulabotelezya kapati. Walo mubotu. Walo—walo ulabotelezya ku liso. We elede kuulya lino. Yebo touzi naa mboubede, na pe, ula cita na?”

“Peepe, Ta ndizi. Pele Leza wakaamba kuta cicita.”

“Pele, oh, ee, Ndi lizi, pele. . .”

“Leza wakati Wa . . . inga tuyofwa.”

<sup>269</sup> Wa kati, “Nincobeni Ta kaciti ceeco.” Mwabona, cabunono buyo mbuli mbo cakali kukonzya kuba. Mulange eco nce cakacita.

<sup>270</sup> Amulangilile oyu muuya wa sikulwanakristo mbowakabuka akati ka mbungano ntaanzi, njiisyo ya Nikolayi. *Nikao*, “kuzunda” basimbungano, kubamba muntu uusalala. Oh, cili buyo mbuli inni- . . . “Ee, tu yanda buyo luswaanano. Baa, muli sabalangene awa oonse; kwiina umwi uzi awo umwi mpa bede. Ndi yeeya kuti toonse twelede kuba a kabunga a kuba bandeene buyo. Mwabona, tula unka, kuyo libungika tobeni. Twe elede kupanga cisangabalilo kuzwa kuli njiyo.” Alimwi obo mbo cibede. Taakwe cintu cili boobo mbuli Mbungano ya Bunakristo iya Methodist. Eyo tali Mbungano; eco ncisangabalilo. Baptisti, eyo tali Mbungano; eco ncisangabalilo.

<sup>271</sup> Kuli Mbungano yomwe biyo, nkabela oyo Mubili wamaseseke wa Jesu Kristo. Elyo mula zyalwa muli Nguwo, mbo

mbubo, kwiinda kukukanzwa. Mbo mbubo. “Boonse abo Taata mba ka Ndi pa bayo boola. Taakwe muntu ukonzya kuboola citakuti Taata wa mwiita. Elyo boonse Mba ka Ndipa, bayo boola kuli Ndime.” Aboobo, eco, eco ncencico. Walo buyo. . .

<sup>272</sup> I Kabelele ulikkede alya, kabamba—kabamba nkombelezyo, kusikila umwi wamamanino wanjila. I mulangu muniini walila, nkabela Wa zwa a kubweza cikono Cakwe mpawo, mwabona, kwa mana; leta Mbungano Yakwe ku Muunzi, balelwa Bakwe. Elyo wasowa sinkondo Wakwe mu Ziba lya Mulilo, nkabela boonse balelwa bakwe banjila omuya antomwe anguwe, eco ncencico. Mpawa twa enda mu Mileniamu.

<sup>273</sup> Nguwenya sikutanta, lino. Eci ncibeela citaanzi, wa kanyina kaambo. Alimwi cabili, lino, ikuti waka tanta atala aniini, aniini kwiinda awo; cibeela cabili, Bbaibbele lyakati uyo “pegwa musyini.” Elyo bakasamika musyini aa muntu, muntu muyumu uugambya. Mwabona, baka musamika musyini! Alimwi, mpawo, Bbaibbele tii lyaka mwiita kuti poopu. I Bbaibbele lyaka mwiita kuti “musinsimi mubeji.” Nkaambonzi? Inzya. Mubwini, weelede kuba musinsimi mubeji, kwiinda ku muuya wakwe wakulwanakristo, oyo wakayisya sikulwanakristo kulwisya Ijwi taanzi. Nkaambo, ikuti na wa kayisya kulwana Ijwi taanzi, wa kali sikulwanakristo. Mbwa kabede. Elyo Ijwi ngu Leza, mwabona, Kristo. Ncibotu. Lino, kumane boobo, tula mujana mpawo kasamikidwe musyini. Elyo cindi na kasamikwa musyini, lino, walo takwe kaambo a utakonzyi kuligwasya loko. Walo mulombwana buyo muniini.

<sup>274</sup> Pele mpawo mu Kkansa yaku Nicaea, wa ka cikonzya, alimwi Constantine waka mupa lubono loonse. Elyo mpawo ncinzi nca kacita? Mpawo walo, mwabona, Saatani, wasika mupe cuuno cakwe cabwami a bwami. I Bbaibbele lyaamba boobo, mbuli mbo twa kainda muli ndilyo.

<sup>275</sup> Lino, cintu citobela tu jana kuti, oyo dyabulosi ngu endelezya tunzenyu toonse oto twakali lyoonse na tuyooba lyoonse. Tula jana eco muli Matayo 4:11. Alimwi lino tu jana kuti, mpawo, oyo Saatani waka jisi kale tunzenyu.

<sup>276</sup> Pele usola kujana Mbungano, kutegwa aselemuke Kwi icenga. Ula bweza sibupampu wakwe uugambya, ula mubelesya mu kabunga, a kumusamika musyini “sikwiiminina,” mwabona, kristo. Kristo wakabeleka mu cibaka ca Leza. Mwabona, oyu mulombwana ngu sikwiiminina, mu cibaka ca Leza. Mwabona? Mbubonya buyo, “mu cibaka ca Leza,” obo mbwaelede kuba, sikwiiminina kungsi lya Kristo.

<sup>277</sup> Lino, lino, cindi na kacita ceeco, mpawo ncinzi nca kacita kaindi? Walo, Saatani, wakabweza nguzu zyakwe zya tunzenyu, kwalo wa kamanizizye kale, a kubweza nguzu zyakombi, kwalo wa kasamikidwe kale musyini, a kuba bikka antoomwe.

278 Elyo mpawo wa kamu bambila musyini umbi wa kweendelezya gehena. Elyo balo bakafwa, ikuti na baka bbadela mali akubwene, na kaba gwisya. Mwabona? Aboobo lino walo—walo ngu sikwiiminina weendelezya Julu, weendelezya busena bwakusalazizya myuuya ya bafu, mbuli mbwa yanda ku mwiita. Taakwe cintu cili boobo mu Bbaibbele, mwabona, pele wa kacita kupanga cintucimwi. I Bbaibbele lyakati cakazwa ku mulindi utagoli, nkabela cila bweeda nzila njionya. Elyo, aa nyika, mweendelezi!

279 Lino ncinzi nca kapegwa kaindi? Lutaanzi, wa kajisi buta, pele taka jisi muumba umwi. Pele lini ujisi cceba lyanguzu mu janza lyakwe. Ula konzya kucita cintucimwi lino. Mpawo wasotoka kuzwa ku mbizi yakwe iituba; mbizi iituba ileenda kuya buzwa. Lino ukkede anzi? Ii mbizi iisubila, bulowa, mbizi iisubila bulowa. Ule enzya imwi eyo ncobeni. Oh, masimpe. Lino wapegwa nguzu zipati a cceba pati, zya kujaya, mpawo weenzya mbizi yakwe iisubila bulowa.

280 Tula bona, kuzwa ku Cinamatizyo Cabili, eco caka namatulwa busiku bwainda, wa kagwisya luumuno kuzwa aa nyika nkabela baka jayana umwi aumwi. Alimwi lwiiyo lwakwe lwabafwida lusyomo lwabo lwa mbungano ya Katolika yaba Roma, lutondezya kuti bakajaya bana Protestanti bali mamilioni ali makumi ali cisambomwe alusele, kuzwa ku ciindi ca Musalali Hippo wa . . . kuzwida Musalali Augustine waku Hippo, kusikila cintucimwi cili cuulu amyaanda yosanwe amakumi ali lusele. “Mamilioni ali makumi ali cisambomwe alusele.” *Kubambulula Kupati* kwa Schmucker, ikuti na muyanda kuli bala, *Kubambulula Kwabulemu*, mubwini, mwabona. Lino, mamilioni aamakumi ali cisambomwe alusele akalebwa mu lwiiyo lwabakafwida lusyomo lwabo! Kakuli umwi wa bategwa basalali babo naka jana ciyubunuzyo cakuti kufumbwa oyo uta zuminani a mbungano ya Roma cakuti wa keelede kufwa mbuli sikukazya, eco caka babikka kubako mpawo. Mulombe, wa kaunka kaya butilaila bulowa! Wa—wa kasotokela aali yakwe iituba mbi- . . . , na, mbizi yakwe iisubila, nkabela wa kaunka keenzya. Oh!

281 Lino nguzu zyakwe zipati zyasika. Wa kali sikwiiminina wa Julu, a kukombwa mbuli Leza. Mweendelezi wa nyika, kwiinda ku kukamantanya mbungano a cisi antomwe, mubamba kuba mweendelezi aa nyika; kamupa musyini ali ceeco. Wa kali kukonzya kukombela myuuya kuti yangululwe ku busena bwakusalazigwa. Wa kali kukonzya akwalo kukombe- . . . Wa kali mbuli Leza, aa nyika, mu cibaka ca Leza. Antoomwe, wa kali jisi nguzu zya kujaya kufumbwa watakali kuzuminana a kulailila kwakwe. Nguni uyamba cimwi kuli nguwe? I mbungano tai konzyi kwamba cintu; walo ngo mutwe wayo. Cisi tacikonzyi kwaamba cintu; walo ngo mutwe waco. Aboobo, ba kafwa ku mamilioni. Oonse mabungano maniini, mukwesu, akabula

mali, a kunyonyoonwa a kujaigwa, a kusaninwa ku balavu, a zintuzyonse zimbi. Mwabona? “I simwaaba,” Rome, “waka mupa cuuno cakwe a bwami.” I Bbaibbele lyaamba boobo. Mwabona? Aboobo wa katanta ya cikozyanyo cakwe, mbizi iisubila kwiinda mu bulowa bwabantuni, kusikila yakaba mbizi iisubila.

282 Lino Johane wamubona aa mbizi iisiya. Wa kacinca, cintucimwi cimbi.

283 Lino Nde elede kwa—kwa amba ceeci nzila biyo mbo caboola kuli ndime. Elyo mpawo alimwi ikuti na caboola kuli ndime nkabela tee cakeelana a Magwalo amwi, nkokuti Leza tacipa pe. Mwabona, Magwalo eelede, oonse, ncomwe buyo cipati loko—loko cintu mbuli ceeco. Lugwalo lweelede kuzuminana a Lugwalo. Alimwi kufumbwa cintu ciimpene ku Lugwalo. . . Ikuti na Angelo wa Mwami waka ndaambila cintu cimwi catakali Camalembe, inga Ne taka Mu syoma. Mwabona?

284 Nda kati, omuya mu Chicago buzuba bumwi, cindi bakutausi boonse bali myaanda. . . Sa kuli umwi wakali ku muswangano ulya? Masimpe. Oyo muswaangano mu Chicago, Nda kati, “Lino, nywebo nyoonse mwaambaula kuti mujisi. . . Mwa kayeeya kuti mwakali kundi nyonganya omuno, aa cintucimwi.” Kutandila mbuli boobu mu kaanda aka lino. Nda kati, “Ino ncinzi? Mu cijisi kulwana ndime.” Nda kati, “I Muuya Uusalala wandi tondezya, masiku otatwe ainda, oko umwi aumwi wanu mpano bede. Alimwi kuti ta tukabi omuya. . . Amubuzye Carl awa ikuti na taciluleme.”

285 Elyo kwakali Hank a boonse babo, “Mbo mbubo.” Nyoonse mwaliko okuya kuyomvwa.

286 Nda kati, “Lino mula ndilwana, aa Kuyiisya kwangu. Elyo ndepenzi. Lino Ndi yanda umwi wanu kuboola awa, a kubweza Bbaibbele lyako a kwiima muni lyangu, a Kwi tondezya kulubila.” Yakali nkamu yakaumwine maningi njo kasola kumvwa. Nda kati, “Ino ndipenzi nzi kuli ndinywe?” Nda kati, “Mpawo, ikuti na mulizi kuti tamukonzyi kulwana Ijwi, mpawo amuleke kundi guma. Nywebo no Bamaiyi Babukombi a zintuzyonse, a kwambaula nzila, kulizibya lwako mbuli ‘Mwiyi,’ ‘Mwiyi,’ ‘Mwiyi.’ Elyo Ndili ii. . .” (Oh, Mukwesu Wood alimwi Nda amba “cheechaka,” na, “utakweluzibo.”) “Nse jisi lwiiyo, nsekainda mu seminari imwi na cikolo. Pele uli jisi Bbaibbele lyako nkabela boola awa a kwiima muni lya lubazu lwangu, akutondezya kulubila kwa lunyungu lwa nzoka, lubbizyo mu Zina lya Jesu, na kufumbwa ca zintu ezyo Nze yiisya.” Kwiina umwi wa kaamba bbala. Nywebo nyoonse mulizi obo. Eyo yakali nkamu yakaumwine maningi njo kasola kubona.

287 Mwabona, ba ongolola buyo mbuli kuti Ta ndizi cintu. Lino, lino nceeci we. Nse syomi mu kukwankana a bantu, pele caboola ku kasena mpoba soleka kundi kwelela muli nkuko. Alimwi

Ne taka unka pe, pele Muuya Uusalala waka ndaambila, kati, “Kozumanana okuya. Njo ima mumsi lyako.”

288 Ka baambila, mazuba otatwe na one ciindi kacitana sika. Nyoonse mwakaliko okuya a kumvwa Ba. Carlson a bamwi, a—a Tommy Hicks. Elyo boonse babo kaba kkede awo. Elyo Nda kainka, mazuba otatwe kakutanaba, elyo Nda kati, “Muyo yandika kusaya ku busena obo.”

289 Bwakali busiku bwa guwolyamvula maningi. Nda kajisi muswaangano. Wa kati, “Koya, kaime ku mpulungwido eyo, ku citendele eco ciniini catatu okuya.” Elyo Nda kaunka okuya a kwiima mpoonya alya. Nda kasondele mbuli boobo.

290 Wa kati, “Ba jisi koonse kuli nduwe. Bayo kulomba kukanana kuli eyo Nsangano ya Bakutausi wa Chicago Mpati.” Kati, “Ba jisi kooze kuli nduwe, aa kuyiisya kwako ku Ijwi Lyangu.”

291 Wa kati, “Lino, bayo saya ku busena obo okuya. Taba kabujani pe. Alimwi bayo jana busena, bwa brauni.” Kati, “Mboobu mbo buboneka.” Nda kaima, nkabela Nda kalibona mu kkona; kalanga kusule a kubona. Nda kaba bona boonse okuya. Nda kaba bona boonse bakutausi kaba kkede okuya, nzila mbo bakabede. Nda kaba langa koonse. Alimwi Wa kati . . .

292 “Oh,” Nda kayeeya, “Ncibotu ntainki okuya mpawo, Mwami, ikuti na bayo cita cili boobo. Ta ndiyandi kucisa kulimvwa kwabo na kucita cimwi cilubide.”

Wa kati, “Koya. Njo ima mumsi lyako.” Wa kacita. Mbo mbubo.

293 Lino, nywebo nyoonse, kuli bakamboni mpoonya ano, baka kkede nkoonya okuya a bazi kuti obo mbwini. Mbo mbubo. Ee, muli jisi matepeu awa, anywebo. Pele, mpaawo mpomubede, nywebo mwabona.

294 Lino, lino ngaaya maseseke aa ceeci. Elyo lino, Ci, cindi ni Ca yubununwa kuli ndime cifumo maningi eci, mumuni kuutana pasuka. Mpawo Nda unka ku Lugwalo cakubinda a kutalika kulanga, aku cilingula. Nceeco mbo cakabede. Zyotatwe zyayoyo, kuciimo, zya yubununwa cakumaninina, munzila yiindakugambya. Inzya. Lino ngaaya maseseke aa mbizi iisiya, kweendelana kuli ceeco cayubununwa kuli ndime.

295 Wa katalika kwiitanta mu ciindi ca bukkalo bwa musinze. Nce ncico mbizi iisiya ncoya kaiminina, makkalo aa musinze, nkambo cakali ciindi caakatikamasiku ku basyomi beni abo baka syeede. Amulangilile lino mu bukkalo obo bwa mbungano, obo bukkalo bwakatikati bwa mbungano, bukkalo bwamusinze ku mbungano. Amulangilile nzila Mbwa amba, “Yebo ujisi buyo nsana ziniini.” Akali aakatikamasiku kuli mbabo, ku basyomi beni. Lino amulangilile. Muciimo cini bulangizi boonse bwaka gusigwa ku Mbungano ini, nkambo oyu mulombwana wakali



kweendelezya mbungano a cisi. Ino bayo cita nzi? Mwabona, Bunakatolika bwakeendelezya, mbungano a cisi. Elyo boonse, bataka zuminana a Bunakatolika, bakanyonyoonwa. Ako nke kaambo wa kali aa mbizi iisiya. Elyo amulangilile eco cintu cisiya nca kacita, mwabona, mpawo inga mwabona. Elyo nywebo buyo. . . Ikuti na mulizi makani anu aakale, amwa langisye, mpawo muya. . . Ee, tamu kayandiki akwalo ku ciziba, ku—ku ziba Ceeci. Lino amulangilile. Bulangizi boonse bwakali manide. Eyo nje mbizi yakwe iisiya.

Lino, wa katanta aa mbizi yakwe iituba, cabupyungi.

<sup>296</sup> Mpawo wa kapegwa nguzu; wa katola luumuno, wakajaya bali mamilioni. Nce ncico ncayo cita mbuli mbwa keenzya moonse. Elyo walo ucicita. Mwabona?

<sup>297</sup> Lino, ngooyu ula atala a mbizi yakwe iisiya lino, kaboola. Bukkalo bwa musinze, eco cakali ciindi eco. Kutandila buyo cindi mbungano yakumana kubambwa, a kunjila mu nguzu, ba kasina zintuzyonse zimbi. A kwiinda moonse, kutandila, myaanda a myaanda a myaanda ya mwaka, nceeco mubali oonse ncazi mbuli makkalo aa musinze. Mbangaye bazi obo? [Mbunga yaamba, “Ameni.”—Mul.] Masimpe, makkalo aa musinze. Njeeyo mbizi yanu iisiya, kaiiminina bukkalo bwa musinze. Lino, bulangizi boonse bwakali manide; kwiina bulangizi pe. Zintuzyonse zyakali kuboneka kusiya, ku basyomi basyonto. Lino, ako nkekaambo nco bwitwa, kaiminina, mbizi iisiya.

<sup>298</sup> “Zyeelekelo zyakwe, na zikkelo zyakwe, mu janza lyakwe,” nywebo mwabona. Kaitila koonse, “Mweelo wa whiiti ulaulwa isheleni, a myeelo yotatwe ya bbaale ulaulwa isheleni.” Mwabona, mukasimpe, eco ngu, whiiti a bbaale nzitu zya kunyama zipa buumi. Oko cinkwa a zintu nko zipangwa. Pele, nywebo mwabona, wa kali kubbadelesya kuli ceeci. Eci nco caamba, nkuti, wa kali kubbadelesya balelwa bakwe ku musyobo wa bulangizi bwa buumi obo mbwakali kuba tumina, kwiinda kukubamba. . . Wa katalika ku ciindi eci ncoonya, ca kubabamba kubbadelela mipailo, kubbadelesya ku mupailo. Ba cicita asunu; novenasi.

<sup>299</sup> Nkaambo, ncinzi nca kali kucita? Kujata buvubi bwa inyika. I cikkelo, ka pimya, “Mweelo wa whiiti ulaulwa isheleni; myeelo ya bbale ulaulwa isheleni.” I sikutanta mbizi iisiya, mwabona, wa kali kupanga. . . kunyanzya balelwa bakwe mali abo. Kakuli, Bbaibbele lilamba kumbele kuti uli jisi, kutandila, buvubi bwa inyika. Mbuli mbo twa kaamba busiku bwainda kujatikizya Russia, a zyoonse ezyo, ba bweza buyo mali oonse a kunyanzya bantu ku zintuzyonse nzoba jisi, zintuzyonse. Aboobo, mpawo mpomubede.

<sup>300</sup> Lino amubone. Sa mwabona oko kubweza mali kwakaindi, mu mbungano, nko kuzwida? Amuzwe ku cintu eco; ca kuyaka

kabunga, cintucimwi cipati, madollar amamilioni awa. Alimwi—alimwi sa mwabona abo banyina ba ncico?

<sup>301</sup> Ndaku Lumba, Mwami. Oh, ma! Ndili kkomene loko. Iiyi, munene. Ncibotu. Lwakali luzyalo Lwakwe. Kwa mana. Ncibotu. Ncibotu.

<sup>302</sup> Cakali ciindi caakatikamasiku. Sena mwacimvwisya eco lino? [Mbunga yaamba, “Ameni.”—Mul.] Elyo mpaawa ula bbadelesya ku musyobo wa buumi, nkuti bbaale yakwe a zintu, zyakunyama; teezyakali zyakumuuya, lino. Yakali bbaale, mwabona, aboobo, alimwi cinkwa ca bbaale a cinkwa ca whiiti. Wa kali kubbadelesya ku musyobo oyo wa buumi ngwa kali kupa ku balelwa bakwe. Kabbadelesya mupailo kwiinda ku bapaizi, ku pailila bantu kuti bazwe mu busena bwaku salazizya myuuya ya bafu. Kabbadelesya! Lino Ndi gwisya ceci nkoonya ku makani akale. Kabbadelesya ku, Nda yeeyela, ngu novena, Nda yeeyela, cintu ci . . . muntuonse awa ulizi cintu ci . . . Novena, Nda yeeyela ncintucimwi nco elede kucita, nywebo mulizi, kusubulwa nkambo ka cibi. Muntuumwi weelede kubbadelesya kuli ceeco. Kali letela buvubi bwa inyika, muli lwakwe, mu mbungano lwayo. Alimwi uceenzya. Oh, masimpe mbwabede. Iiyi, munene. Walo uceenzya!

<sup>303</sup> Amubone. Nceeci cibeela cibotu lino. Amubone.

. . . *bona* kuti *yebo utacesyi* waini a mafuta aya.

<sup>304</sup> “Kusyoonto buyo kwa Ndilyo lya kasyaala okuya, pele uta gumi Eco!”

<sup>305</sup> Lino, mafuta ngu . . . aiminina Muuya, Muuya Uusalala. Nda mupa tumpango tusyooonto ikuti na mula yanda. Kuli Magwalo obilo. Muba Levitikasi, 8:12, oko Aaroni, katana kunjila mukati, wa keelede kunanikwa a mafuta, nywebo mulizi. Alimwi muli Zekariya 4:12, kwa mafuta asika, kutila mu mapaipi, alimwi kati, “Oyu Muuya Wangu, Mafuta.” Cintu cimbi, ikuti na muyanda kubona Matayo, 14 . . . 25, kwakali basimbi bafubafuba, na 25:3, musimbi mufubafuba taka jisi Mafuta, kwiina Muuya. Elyo Matayo 25:4, musimbi musongo wakali jisi Mafuta mu lampi lyakwe, wakazwide Muuya. Muuya! Mafuta akozyanisya Muuya. Oh, bulemu! [Mukwesu Branham wakamba maanza akwe antoomwe lomwe—Mul.] Ncibotu. Sa mwacimvwa? [Mbunga yaamba, “Ameni.”] Ncibotu. Lino, mafuta akozyanisya Muuya.

<sup>306</sup> Elyo waini wiiminina kubukulusya kwa ciyubunuzyo. Oh, Nda—Nda botelwa kuzuzaana ku busena boonse. Ndalibuzya na Nse sinsimuna beengelede, cindi Mwami nandi tondezya ceeco, mwabona, “kubukulusya kwa ciyubunuzyo.” Mwabona?

<sup>307</sup> Mafuta a waini, mu Bbaibbele, zibeleva antoomwe, lyoonse. Ndi jisi konkodansi nkabela ndalanga. Kuli mulongo wazyo, eco mbuli—mbuli *ceeco*, awo waini a mafuta mpo zyeenda antoomwe, ciindi coonse. Mwabona?

308 Cindi Bwini bwa Ijwi lya Leza lyaka syomezegwa lya yubununwa ncobeni ku basalali Bakwe abo bazwide Mafuta, boonse bala bukulusigwa. Waini ncikubulusyo. Bulemu! Nda Umvwa lino ndyoonya. Kubukulusigwa a lutangalo, koongolola! Mwabona? Elyo, cindi Wa cita, Walo ujisi nguzu nzyoonya ali mbabo ezyo—ezyo waini nzoucita aa muntunsi. Nkaambo, cindi ciyubunuzyo capegwa, ca Bwini bwa Leza, a musyomi wini wakazulwa Mafuta, a ciyubunuzyo ca yubununwa, cibukulusyo ciba cipati loko cakuti Walo umubamba kulilemeke kutali kweelede. Nconzyo. Bulemu! [Mbunga yakondwa—Mul.] Mwabona, ako nke kaambo kuli mbabo lino. Mbo mbubo, ubabamba kulilemeke buteelede.

309 Lino, ikuti na muyanda Lugwalo lwa ceeci, amu talike buyo kubala Incito 2. Bali kuli? Ba kali jisi cisyomezyo eco cakapegwa kuli mbabo. Cindi coonse cisyomezyo ca Muuya Uusalala nicaka tilwa ali mbabo. Elyo kali. . . Cakali Camalembe caka simpikizigwa. Lino, nywebo mwabona, i. . .

310 Ino kuti niba kati. . . “Lino, amulindile, Wa ka twaambila kulindila atala awa ku mulimo wesu.” Elyo kwiinde mazuba ali lusele, niba kati, “Ee, Njo mwaambila, balombe,” Marko wa kaambila Matayo, “Ndi—Ndi syoma kuti twa Utambula kale, balombwana. Tamu yeeyei boobo na? Mwabona, twa Utambula kale. Kucindi notu lindila mulimo wesu lino, tweeled kuzumanana buyo, kukambauka. Wa ka twaambila kuboola okuno a kulindila, nkabela aya mazuba ali lusele katuli kookuno.”

“Ee, atu lindilane.”

311 Mazuba ali fuka aka kkwana. Mpawo Marko wanyona, na—na—na ndiza umwi wabamwi babo, Johane, wakati, “Ndi—Ndi—Ndi syoma kuti ta tu ceelede kulindila limbi. Ndi syoma kuti twa ka Utambula kale. Sa tamuciti?”

312 Mpawo Nda konzya kubona Simooni, nkaambo waka jisi zijaluzyo, nywebo mulizi. “Lino amulindile aniini, balombe! I Lugwalo lujisi cintucimwi ca kwaamba kujatikizya ceeci. Ta ka twaambila na mazuba ongaye akulindila. Wa kati, ‘Amu kkale awo mane! Amu kkale awo mane cisinsime ca Joeli ciboole kucitika, mane cisinsime ca Isaya cisimpikizigwe.’”

313 “Nkambo a milomo imamauka a myaambo imbi Njo kananina bantu aba. Nkabela oku nku katalukwa.” Oyu ngu waini waka tilwa. Niinzi waini, mu Bbaibbele? Cikatalusyo. “Eci ncikatalusyo cizwa ku Busyu bwa Mwami.” Mwabona? Ce—ce elede kuba Camalembe lino. Mwabona?

314 Aboobo, nywebo mwabona, waini wiiminina kubukulusya kwa ciyubunuzyo. Elyo cindi Muuya Uusalala niwa kawa, nkabela baka bona Mulilo wa Leza kau bawida, ma, oyo wakatalika kuba kubulusya. Elyo cintu citaanzi mulizi, baka bukulusigwa maningi kusikila bantu ncobeni baka bayeeyela

kuti bakali koledwe, pele baka bukulusigwa kwiinda ku ciyubunuzyo. Kuli ca Leza...Nceeci we! Ciyubunuzyo ca Leza caka simpikizigwa, cakabambwa antangalala kuli mbabo, bakali kkomene kujatikizya Nguwo. Leza waka usyomezya. Mpaawa caka yubununwa kuli mbabo, a kusimpikizigwa kuli mbabo. Amen! Mpaawa kwakali muntu wakaimvwi awo, kaamba kuti, “Oyu ngo Nguwe! Oyu Nguwe!” Elyo ngooyo Mbo wakabede, muku simpikizigwa kwiinda ku citondezyo nciconya nco tu jisi sunu. Nceeco—nceeco cibukulusyo kwiinda ku ciyubunuzyo. Mwabona? Alimwi, lino, bakali Ci jisi nconzyo kaindi.

<sup>315</sup> Ako nkekaambo Petro wakakonzya kuya kokuya, a kwaamba, “Baa, nywebo nobaalumi baku Judaya, a nywebo nomu kkala mu Jerusalemu, amundi swiilile. Nyoonse no Bamayi Babukombi, amu swiilile kuli Nce yanda kumwaambila, mwabona.”

<sup>316</sup> Oh, obo mbocili cibotuloko! Kuyubununwa! Kuyubununwa! Ba kabukulusigwa maningi cindi niba kacibona kacisimpikizigwa. Eco cila cita ncobeni eco lyoonse. Cila cita lyoonse.

<sup>317</sup> Cindi Nda bona kuti Leza wakasyomezya kucita cintu cimwi mu buzuba buno, cindi Na kasyomezya kunamatula ezi Zinamatizyo mu buzuba buno bwamamanino! Elyo tozi lutangalo, bulemu, cindi Nda Mu bona kayubununa eci, kwiimikila alya a ku cilangilila kacicitika! Elyo kuziba kuti Njo bweza kufumbwa muntu, ku lailila: Taakwe nakaamba cintu comwe kuli ndiswe cita eco cakacitika munzila eyo. Elyo mpawo kubona lutangalo luli mu moyo wangu, cindi Nda bona cisyomezyo Cakwe ca mazuba ayo aakumamanino, mbuli Mbwa kasyomezya kucicita. Elyo mpaawa Nda cibona kacisimpikizigwa a kululamikwa kabotu. Ndili buyo...Mula ndimvwa nketi, “Nda limvwa bukombi.” Ayo nge makani. I kubukulusya nkunji kapati, Ndi—Ndi—Ndi buyo—buyo kutandila kulibambila kuba sicoongo loko, nywebo mulizi. Cikubulusyo, kuzwa ku ciyubunuzyo! Ncibotu.

<sup>318</sup> Ba kakubulusigwa maningi, kubweendelezi bwa i—i ciyubunuzyo, cakuti baka simpikizya, ncibotu, cisyomezyo. Lino, oh, ma! Mpaawo kwakapasuka lutangalo lwa cibukulusyo, mane bantu bakati, “Ba kolwa mbote ilweela,” cindi Leza naka yubununa cisyomezyo Cakwe kuli mbabo. Alimwi kutali biyo kuti Wa kaciyubununa, pele Wa kacitondezya.

<sup>319</sup> Nce nceico nci Nda kaamba lyoonse. Ii muntu inga waamba kufumbwa cintu, inzya, ula konzya kweelela kwaamba kufumbwa cintu; pele cindi Leza asika abusena a kusimpikizya ceeco!

<sup>320</sup> Lino, Bbaibbele lyakati, “Ikuti kuli umwi aakati kanu, oyo utaminina kuba simuuya na musinsimi, ikuti na waamba zintu

ezi nkabela tazi citiki, mpawo muta muswiilili. Muta muyoowi, pee. Muta muyoowi muntu oyo. Pele ikuti na wa caamba nkabela cacitika; oyo Ndime, nywebo mwabona. Ndi, Ndili muli ceeco. Eco citondezwa kuti Ndime.”

<sup>321</sup> Elyo, mpawo, oyo mwanakazi Musamaria muubauba. Cindi Lugwalo nilwakati oyu Mesiya uyo cita zintu ezi, elyo ngooyu Wa kaima a kucicita mbubonya buyo Lugwalo mbo lwakaamba. Waa kati, “Ngooyo Mbwa bede. Amuboole, mubone Muntu! Sa eci tacili cintu ncoonya eco Lugwalo nco lwaamba kuyo citika?” Mwabona, waa kabukulusi-gwa ku ciyubunuzyo. Sa mbo mbubo? [Mbunga yaamba, “Ameni.”—Mul.] Wa kakubulusigwa ku ciyubunuzyo, cindi ni caka simpikizigwa. Mwabona? Mbo mbubo. Waa kalizi kuti kwakali. . .

<sup>322</sup> “Tu lizi kuti Mesiya ula boola, Oyo uutegwa Kristo. Elyo cindi Aku sika, Uyo cita zintu ezi.” Waa kacibona.

Elyo Wa kaamba, “Nde Ndime.”

<sup>323</sup> Mpawo cibukulusy oyo caka talika. Elyo waa kaunka, kaongolola, akuselemuka kwiinda mu munzi. Waa kasiya nongo yakwe yamaanzi yakale, nkabela wakaselemukila okuya, a kwaamba ku bantu, “Amuboole, mubone!”

<sup>324</sup> Lino, ikuti nimwa kalizi buyo tunsiyansiya twa Kujwe, eco cili lubide kuli nguwe kucita ceeco. Iyi, munene. Ii mwanakazi wa musyobo oyo, kwiina wakalino muswiilila. Peepe, munene. Mwabona, waa kajisi mpa, alimwi cindi na. . . Ikuti nakaunka kuselemuka kagwagwa mbuli boobo, a kulilemekaka mbuli boobo, baalumi bamu tugwagwa niba taka muswiilila.

<sup>325</sup> Pele, mukwesu, waa kajisi Ijwi lya Buumi okuya! Waa kabukulusi-gwa. Mula konzuya. . . Cakali mbulikuti nkusoleka kuzima ng’anda, iisuka mulilo, a buzuba bwa muwo maningi. Oh, kuli cintucimwi ciibubbula! Waa kali—waa kali libambilide. Iyi. Teeba kakonzuya kuzima Oyo. Oyo wakali Mulilo wa Leza kausuka. Iyi, munene. Waa kati, “Ikuti na tamu syomi kuti ncico, amuboole buyo okuno kubusena muswaangano nkou citikila. Njo citondezwa kuli ndinywe.” Inzya. Nce ncico. Inzya. Iyi, munene.

<sup>326</sup> Elyo aboobo baalumi bakaunka kubusena okuya. Elyo Ta kacicita ciindi cimbi. Pele bakaziba kuti cintucimwi cakacitika ku mwanakazi ulya. Waa kacincwa, aboobo baka Mu syoma. Iyi, munene. Ba kasyoma ali Nguwe.

<sup>327</sup> Nkaambo, “Lusyomo lulasika kwiinda kukumvwa, kumvwa cisyomezyo ca Leza, Ijwi lya Leza, aku Ci langilila kacibambwa kuba kasimpe.” Nkaambo, Yalo ni mbuto. Elyo cindi Ya syangwa, Iyo bweza Buumi. Iyo zyala mbuli Eco nco yaambaula. Ikuti na tai citi, nkokuti taili Mbuto ya Leza. Na, sikumiza ta kaziba kabotu Kwi isyanga; Ta katumwa aa Leza, kuya kukusyanga Imbutu. Inga ka Zisyangila atala aa mabwe na cintucimwi. Mwabona? Aboobo nywebo—nywebo mwabona,

sikumiza kasyanga Mbuto, Leza ula Ima mela, Ya wida mu busena buli kabotu, nywebo mwabona. Oh, ma!

328 Mpawo ino Lya amba nzi kuli oyo sikutanta iisiya? “Uta cesyi waini Wangu a Mafuta Angu! Uta Agumi, waini Wangu a Mafuta! Ndi jisi kuniini buyo kwa Ngawo kunselelo okuya, pele kucili maniini okuya. Inzya. Lino mula konzya kwiinda moonse a kweeleka musyobo oyo oonse wa buumi ngo zibya; cili kuli nduwe. Uyo cibbadelela kunselelo okuya. Pele cindi wacosola waini a Mafuta ayo, ko Li siya alilikke!” Oh, ma! Ikuti na ulakonzya, ikuti na ula . . .

329 Mu majwi ambi, mbuli boobu, “Ikuti na wajata bamwi ba Katanga Kangu kaniini, abo bazwide Mafuta a waini Wangu, mwabona, waini a Mafuta aa Ijwi linjoloma, mwabona, nkabela uyo bajaya. Nkambo, yebo, yebo uyo cicita. Nce ncico ncoli mukucita. Uta basungilizyi kwaambwa kumwi kwa ‘Wabonwa Mariya,’ na kucita kufumbwa cintu mbuli ceeco, na bumwi bwa buzumini bwabukombi bwako. Ko gusya maanza ali mbabo. Ba lizi nko baya, nkambo bananikidwe Mafuta Angu. Alimwi kwiinda muku nanikwa Mafuta Angu, bali jisi waini wa lutangalo, nkaambo balizi Ijwi Lyangu Iya cisyomezyo, ‘Ndiyo babusya alubo.’ Uta cisi Eco! Uta soli kubanyonganya. Nkaambo, kotantamuka buyo kuzwa kuli Ndilyo. Peepe.” Boonse . . .

330 Ula simpikizya Ijwi Lyakwe a ku Li njizya. Ba kalizi. Ba kalizi kuti inga bayo buka alubo. Oh, obo Mbwe yanda ceeco! Fyuu! Bayo buka alubo. Njeeyi yasika mbizi iisiya, kayeenda lino, makkalo aa musinze.

331 Mpaawo kwakainka mbizi iituba; twa kabona nca kacita, cakulondoka. Mpaawa kwasika mbizi iisubila; twa kabona ncobeni nca kacita. Mpaawa kwasika mbizi iisiya. Nywebo mwabona, walo ngu sikutanta nguwenya ciindi coonse, eco ncali mukucita, moonya muciiindi ca makkalo.

332 Lino tu jana kuti, wa kaceeleka a ku cibbadelesya, mbubonya: whiiti, bwakunyama, buumi bwakunyama. Nce ncico ncobakali kuponena.

333 Pele, kwiiminina; Muuya, Mafuta; a lutangalo lwa waini. “Obo Mbuumi bwakumuuya, uta cisi Eco. Ko Ci siya cilikke!” Munzila imwi, “Rome, uta Bu gumi! Mbu Bwangu! Obo buzulilwa kuli Ndime!”

334 Lino Ndi jisi cintu cimbi awa Nce yanda kuti muzibe. Amubone, tii wakali umwi wa Banyama bone oyo wakati, “Uta gumi Mafuta a waini.” Sena mwabonesya awo? I Banyama bone bakali kwaambaula, pele . . . Amulangilile, andi bale buyo awa, asyoonto buyo, mwabona, lino.

*. . . mweelo, ulaulwa isheleni, ku ii—ku ii . . . whiiti  
ulaulwa isheleni, alimwi myeelo yotatwe ya bbaale*

*ilaulwa isheleni; alimwi bona kuti yebo uta cesyi waini  
a . . . mafuta.*

335 Lino amuswiilile awa.

*Elyo Nda—elyo Nda kamvwa jwi aakati ka banyama  
bone . . .*

336 Ino cakali cinzi? I Kabelele! Amen! Tii bakali Banyama bone. I Kabelele waka caamba. Nkaambonzi? Uyo bweza Bakwe Beni. Abo bazulilwa kuli Nguwe. Wa kacinununa. Mwabona? Amen! “Uta gumi Mafuta ayo!” Peepe, munene. Kutali Banyama bone, pele Kabelele wakali Umwi waka caamba. Elyo, oh, ma! I Kabelele! Kutali . . . I Banyama bone tiiba kaambilizya ceeci. I Kabelele wakaamba, Mwini.

337 Cindi Banyama bone ni bakati, “Boola ubone,” nkabela ba kaunka, elyo baka cibona mbuli ceeco.

338 Elyo Wa kati, “I mweelo wa whiiti ulaulwa isheleni, a wa mwe- . . . alimwi kunji mbuli *boobu*, alimwi kunji kwa bbaale.” Pele mpawo Kabelele wa koompolola, mpoonya akati kabo, wakati, “Pele muta cesyi waini a Mafuta!” Uh-huh. Mbo mbubo. Oh, ma! Amu ciswiilile, “Uta Acisi, mulombe, nape uyo cibbadelela buzuba bumwi.” Oh, ma!

Naini theeti.

339 Ee, ku kumwisywa kwangu kubotu loko, a kubotu oko Nkwe zyi, a koonse Nkwe syoma mu moyo wangu, obo mbupanduluzi bwakasimpe ku Zinamatizyo ezyo zyoatatwe. Ndi yanda kulumba Leza nkambo ka mbubo. Elyo Ndila amba boobu, kuti, calo nciyubunuzyo eco Nca ndipa. Wa cipa eco kuli ndime, ciyubunuzyo ca Ncico. Elyo Ndi syoma kuti tu pona ku mazuba aakumamanino.

340 Juunza masiku tuyo bweza sikutanta wa mbizi isiyasiya. Elyo lino Ta ndizyi. Ta ndizyi. Leza ulizi ako nkasimpe. Ta ndizyi cintu comwe kujatikizya ncico. Peepe.

341 Nda kalingula ciyo cangu cakale Nce kajisi myaka yainda. Nda bona Mukwesu Graham Snelling kaindi kaindi; kwayanda wa zwida anze. Pele, Nda yeeya cindi Ne kali kukambauka okuno, kaindii. Nda kalingula kubona eco Nce kaamba myaka yainda. Buzuba bumwi Nda kali kulangalanga mu Bbuku lya Ciyubunuzyo, Nda kabweza boonse basikutanta mbizi bone aa ciindi comwe.

342 Nda kati, “Ti mbizi ituba, eyo yakali mbungano ntaanzi, kwiina kuzumbauzya.” Nda kabala eco kuzwa ku bbuku lyaba Adventisti. Elyo Nda kabala cintucimwi awo. Nda kati, “Eyo yakali mbungano ntaanzi ya kaunka, kaiya buzunda.” Elyo itobela yakali mbizi iisiya, Nda kati . . . Nda luba lino Mbwe kaita eyo mbizi iisiya. Nda kati . . .

343 Na, “I mbizi iisubila,” mubwini, Nda kati, “eyo mbizi antela yakali kwaamba kuti—kuti mapenzi ali munzila, alimwi

iyu bamba lumamba lunji luyo kkalilila, na cintucimwi mbuli ceeco.” Nda kati, “Antela kuyooba lumamba lunji.” Nda kati, “Eco inga mbo ciyooba.” Elyo mpawo Nda kati, “I—i isiyasiya mbi- . . .”

<sup>344</sup> Na, “I—i mbizi iisiya,” Nda kati, “eyo—eyo yaamba kuti—kuti ndiza kuyooba ciindi cisiya aa nyika, cindi nyenyeezi zyoonse zya—zya kuleka kumweka; zuba liyo bbila, nkabela mweezi taukapi mumuni wawo.” Nda kati, “Andiza eco mbo caamba.”

<sup>345</sup> Nda kati, “I mbizi isiyasiya, caamba kuvula kwa malwazi ali mukusika.” Lino, Ta ndizyi nco caamba. Pele, nkuti, obo bwakali bupanduluzi bwangu bwa ncico kaindi, nkaambo Nda kacibweza buyo kabotu mbuli Mbwe kakonzya, nkeimvwi awa mu cikamba ukilo.

<sup>346</sup> Pele, oh, Ndali kutandila kwaamba cintucimwi! Ncibotu. Humu! Oh! Muyo—muyo bona. Amulangilile buyo, mwabona.

<sup>347</sup> Lino, oh, sena ta tukkomene ku oora eli ndyo tuponamo! [Mbunga yaamba, “Ameni.”—Mul.] Cindi twa bona coonse cintu eci kacilundana, Nda yeeya:

Masi ali mukumwaika, Israyeli ili mukusinsimuka,  
I zitondezyo ezyo basinsimi nzyoba kaamba kumbele;  
I mazuba aa Bamasi akkwana, buyumuyumu buyoosya;  
“Amubweede, O nomu mwaikide, kuya mwanu.”

I buzuba bwa lununuko kwaswena,  
Myoyo ya bantu ili mu kuwizuka nkambo ka buyoofu;  
Amu zulwe Muuya, malampi anu kapukutidwe a kuyaka kabotu,  
Amu lungumane, lununuko lwanu kwaswena!  
(Oh, ma!)

Basinsimi babeji bali mukubeja, bakaka Bwini bwa Leza,  
Kuteeti Jesu Kristo ngu Leza wesu;

Sena mula Ci syoma? [Mbunga yaamba, “Ameni.”—Mul.]

Pele tuyo enda awo baapostolo mpoba kalyata.  
Nkambo buzuba bwa lununuko kwaswena,  
Myoyo ya bantu ili mu kuwizuka nkambo ka buyoofu;  
Amu zulwe Muuya, malampi anu kapukutidwe a kuyaka kabotu,  
Amu lungumane, lununuko lwanu kwaswena!

<sup>348</sup> Sa eco tacili cibotuloko? [Mbunga yaamba, “Ameni.”—Mul.] Nda ciyanda eco. Lununuko lwa swena.



Elyo kuyooba Mumuni ku ciindi caku  
 mangolezya,  
 I kazila kaya ku Bulemu muyo kajana ncobeni;  
 Mu nzila yamu meenda, ngo Mumuni sunu;  
 Kuzikkwa mu Zina liyandisi lya Jesu.  
 Nobana a bapati, amwempwe ku zibi zyanu  
 zyoonse,  
 I Muuya Uusalala uyo njila ncobeni;  
 I Mumuni waku mangolezya wasika,  
 Nkasimpe kakuti Leza a Kristo Mbamwi.

Walo ndi Ijwi! Oh, ma! Ncibotuloko!

Calino Kabelele uyo bweza Nabwiinga Wakwe  
 kuba ku lubazu Lwakwe kwa lyoonse,  
 Onse makamu aaku Julu ayo bungana;  
 Oh, kuyooba kubonekela kwabulemu, boonse  
 basalali mu zituba zitakwe kaimba;  
 Elyo a Jesu bayo pobola Cabutamani.  
 Oh, “Amuboole muzolye,” Simalela ulaita,  
 “Amuboole muzolye;”  
 Oh, kutegwa mu pobole aa tafule lya Jesu ciindi  
 coonse;  
 Oyo waka sanina makamu manji, wakasandula  
 meenda kuba waini,  
 Kuli bala nzala ulaita lino, “Amuboole  
 muzolye.”  
 Oh, “Amuboole muzolye,” Simalela ulaita,  
 “Amuboole muzolye;” (Kulya Ijwi!)  
 Kutegwa mu pobole aa tafule lya Jesu ciindi  
 coonse;  
 Oyo waka sanina makamu manji, wakasandula  
 meenda kuba waini,  
 Kuli bala nzala ulaita lino, “Amuboole  
 muzolye.”

<sup>349</sup> Oh, ma! Sena mwafwa nzala? [Mbunga yakondwa—Mul.]  
 “Bala coolwe abo bafwa nzala a nyota ya bululami.”

<sup>350</sup> Sena mula Mu yanda? [Mbunga yaamba, “Ameni.”—Mul.]  
 Sena mula Mu yanda? I bulile kuli *Nda Mu Yanda*, yebo  
 ulizi. Toonse atwiimikile buyo lino, a kutambila maanza  
 esu a kilitondezya kuli Nguwe. “Nda Mu yanda, Nda Mu  
 yanda nkaambo Wa kasaanguna kundi yanda.” Ncibotu, toonse  
 antoomwe lino.


Nda Mu yanda, Nda Mu yanda  
 Nkaambo Wa kasaanguna kundiyanda  
 A kuula lufutuko lwangu  
 Aa cisamu ca Kalivari.

<sup>351</sup> [Mukwesu wakanana mu mwaambo umbi. Mukwesu  
 Branham wapumuzya—Mul.] Kubatama buyo ncobeni. Tuli

jisi sikupandulula awa, Mukwesu Higginbotham. Ta ndizyi na nkwali sunumasiku, na pe. Tu yanda, kuziba eco Nca twaambila. Amulindile buyo aniini. Ngooyu, ngooyu. . . [Mucizi wapa bupanduluzi.]

<sup>352</sup> Masimpe, alumbwe Mwami! Lusyomo lwangu lwasumpulwa maningi muli Leza. Mula, mula Mu yanda, sunumasiku, a moyo wanu oonse? [Mbunga yaamba, “Ameni.”—Mul.] Oh, amu Mu lumbaizye, a kwamba kuti, “Twaku Lumba, Mwami Jesu!” [Mbunga ya lumbaizya Leza.]

<sup>353</sup> Obo mbotu Ku lumbaizya, a myoyo yesu yoonse, Mwami! Bulemu kuli Leza!

<sup>354</sup> Amu Mu lumbaizye buyo, nyoonse nobantu. Leza abe andinywe! [Mbunga yazumanana kutangala aku lumbaizya Leza—Mul.] 

*I CINAMATIZYO CATATU* TNG63-0320  
(The Third Seal)

MATOBELANWA AA CIYUBUNUZYO CA ZINAMATIZYO ZILI CILOBA

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwatatu mangolezya, Miyoba 20, 1963, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2020 VGR, ALL RIGHTS RESERVED

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)